

**ՏՐԱՊԻՉՈՆԻ ԳԱՂԹԱԿԱՆ ՀԱՅՈՒԹԵԱՆ  
ՓՐԿՈՒԹԵԱՆ ԿԱԶՄԱԿԵՐՊՈՒՄԸ  
Ա. ՀԱՄԱՇԽԱՐՀԱՅԻՆ ՊԱՏԵՐԱԶՄԻՆ  
(1916-1917թթ.)**

ՌՈՒԲԷՆ ՍԱՀԱԿԵԱՆ

*Առաջին Համաշխարհային Պատերազմի տարիներին Հայոց Ցեղասպանութեան գոհերից էր Տրապիզոն վիլայեթի (նահանգի) եւ համանուն քաղաքի հայ բնակչութիւնը<sup>1</sup>: Նրանց որոշ մասին յաջողում է խուսափել ջարդերից եւ բռնագաղթից ու ապաստանել լեռնային անմատչելի վայրերում:*

*1916 Փետրուարի 26ին Բաթումի Ս. Փրկիչ եկեղեցու աւագ քահանայ Մեսրոպ Մելեանը Ս. էջմիածնի դիւանապետ Տիրայր վարդապետին ուղղուած նամակում յայտնում է, որ Փետրուարի 6ի № 47 գրութեամբ դիմել է էջմիածնի Եղբայրական Օգնութեան Յանձնաժողովին, վերջինիս ուշադրութիւնը հրահրելով, որ օրերի խնդիր է Տրապիզոնի գրաւումը եւ անհրաժեշտ է օր առաջ անցնել Տրապիզոն եւ զբաղուել ողջ մնացած հայերի փրկութեամբ<sup>2</sup>: Մեսրոպ քահանան դիւանապետին գեկուցում է, որ Փետրուարի 21ին եւ 25ին իր նախագահութեամբ տեղի ունեցած յատուկ խորհրդակցութիւններում քննարկուել է Տրապիզոնի եւ Վիլայեթի հայութեան օգնութիւն կազմակերպելու հարցը: Խորհրդակցութիւններին մասնակցել են նաեւ նախկին տրապիզոնաբնակ հայեր: Ինչպէս գրում է քահանան. «Այս խորհրդակցութիւնը գտաւ անհրաժեշտ նախապատրաստուելու այդ ցանկալի օրի (Տրապիզոնի գրաւումի - Ռ.Ս.) եւ վաղ ընդ փոյթ»<sup>3</sup>. որոշում է կազմակերպել վեց հոգուց բաղկացած յանձնաժողով, որը Տրապիզոնի գրաւումից յետոյ պէտք է առաջին իսկ առիթով մեկնի քաղաք՝ «Աստծոյ առանձին հրաշքով ողջ մնացած կարիքատր հայերին օգնելու, սրանց վիճակագրութիւնը կազմելու եւ կացութեան մասին մեզ ստուգապատում եւ շուտափոյթ տեղեկութիւններ հաղորդելու»<sup>4</sup>: Նա միաժամանակ դիմում է Տիրայր վարդապետին, որպէսզի Ամենայն Հայոց կաթողիկոս Գէորգ Ե-ը գումար տրամադրի այս նպատակի համար:*

*Մեսրոպ քահանան դիւանապետի ուշադրութիւնը հրահրում է մէկ այլ կարեւոր հարցի՝ տրապիզոնցի հայերի եւ Հայ Առաքելական Եկեղեցու լքեալ գոյքի տնօրինման անհրաժեշտութեանը: Նա առաջարկում է այդ նպատակի համար լիազօրել հոգեւորականի, որը պէտք է հետեւէր գոյքի տնօրինման առնչուող հարցերին, մինչեւ օրինական տէրերի վերադարձը: Բացի այդ, անհրաժեշտ է նման լիազօրութիւններ ունեցող անձի համար ստանալ զինուորական եւ քաղաքացիական իշխանութիւնների թոյլտուութիւնը, որպէսզի նա իրաւունք ունենայ այդ հարցերով զբաղուել:*

*Ըստ աւագ քահանայի ունեցած մասնաւոր տեղեկութիւններին՝ «վերջերս Խոփի, Արխաւիէի, Աթինէի ու Ռիզէի կողմերից մեծ թուով քաղաքս [՝ Բաթում] բերուած գերիներից-թուրքերից առնուած տեղեկութիւններից [սլարգում է որ] կան կենդանի մնացած հայեր ու բոլորն էլ վերին աստիճանի կարիք ունեն հագուատի՝ ճերմակեղէնի, ոտնամանի ու ուտելիքի»:* Քահանան խնդրում է

Տիրայր վարդապետին, որպէսզի վերջինս հարց յարուցի Ամենայն Հայոց Կաթողիկոսի առջեւ՝ գումար տրամադրելու վերջ նշուած նպատակի համար<sup>5</sup> :

Իր նամակի վերջում Տէր Հայրը ներկայացնում է Տրապիզոն մեկնելու պատրաստ յանձնախմբի անունները՝ Հմայեակ Ֆեթուհեան, Երուանդ Շահմիլեան, Գարեգին Ղազարոսեան, Յարուսթին Դաւթեան, Յակոբ Սարեան եւ Միհրդատ Էմերեան<sup>6</sup> :

Փրկուած հայերի մասին առաջին տեղեկութիւնները ստացւում են Ռիզէ քաղաք մեկնած բաթումաբնակ մի խումբ հայերից, որոնց թւում՝ Աշոտ Անտոնեանը, Յարուսթին Չաքարեանը եւ չորս այլ անձեր, որոնք նուէրներ էին տարել ուսուցիչներին համար: Ռիզէում նրանք տեղեկանում են, որ «Տրապիզոնի հայերին կոտորելուց յետոյ, նրանց երեսններին նախընտրել են Ռիզէ սահմեղականների միջու բաժանելու համար»<sup>7</sup> :

Փետրուարի 28ին Բաթում վերադարձած Անտոնեանը եւ Չաքարեանը յայտնում են, որ Ռիզէում եւ շրջակայ մահաբեղական գիւղերում կան 200ից աւելի հայ երեխաներ՝ Յից մինչեւ 14 տարեկան: Ռիզէ քաղաքի մահաբեղականների տներում յայտնաբերւում են 60 ծնողագուրկ հայ երեխաներ: Կան նաեւ որպէս հարճ եւ կին տարուած կանայք ու աղջիկներ: Այդ կանանցից ու աղջիկներից երկուսին յաջողւում է բերել Բաթում<sup>8</sup> :

1916 Փետրուարի 28ին կայանում է Կովկասի Հայոց Բարեգործական Ընկերութեան (ԿՀԲԸ) Բաթումի մասնաճիւղի ժողովը, որն ընտրում է ութ հոգուց - այդ թւում երեք կանանցից - բաղկացած յանձնաժողով: Վերջինս պէտք է մեկնէր Ռիզէ, հայ որբերին յայտնաբերելու եւ խումբ առ խումբ Բաթում ուղարկելու համար: Յանձնաժողովի տրամադրութեան տակ է դրւում 500 ուրբի: Այդ գումարն այնքան էլ բաւարար չէր նշուած առաքելութիւնը կատարելու համար, քանի որ անհրաժեշտ էր Բաթումում վարձել տուն՝ այն կահաւորել ու պատրաստել 50ից 60 ծնողագուրկ երեխաներ ընդունելու եւ պատասխարելու համար<sup>9</sup> : Կաթողիկոսի հրամանով քահանային փոխանցւում է 5000 ուրբի<sup>10</sup> : Իսկ Փետրուարի 29ին քահանան յայտնում է էջմիածին, որ ծնողագուրկ երեխաների համար Բաթումի «շրջանային կոմիտէի քաղաքական կոմիսսիայից... ստացայ 60 ձեռք ճերմակեղէն ու ոսնաման»<sup>11</sup> :

Քահանան տեղեկացնում է, որ Ռիզէում յայտնաբերուել են Հայ Առաքելական Եկեղեցուն պատկանող իրեր՝ խաչեր, եկեղեցական հագուստներ եւն.: Նա յայտնում է, որ Ռիզէում լայն գործունէութիւն է ծաւալել Բաքուի Մահաբեղական Բարեգործական Ընկերութիւնը (ԲՄԲԸ) բժիշկ Սուլթանովի գլխաւորութեամբ<sup>12</sup> : Նմանատիպ աշխատանքներ է իրականացնում Վրացական Բարեգործական Ընկերութիւնը՝ աջար բնակչութեան շրջանում, նրանց յատկացնելով ոչ միայն նպաստ, այլեւ իրաւաբանական օգնութիւն: Մեսրոպ աւագ քահանան ջաւով եւ ափսոսանքով նշում է, որ «ամէնից շատ նահատակուած, ամէն բանից գրկուած ու կողոպտուած հայը չունի նոյն իսկ մի յատուկ շրջիկ հովիւ, ուսումնասիրող, քաջալերող, խորհրդատու»<sup>13</sup> :

Ինքնին հասկանալի է քահանայի մտահոգութիւնը՝ տրապիզոնաբնակ հայերին շուտափոյթ եւ որակեալ օգնութիւն ցուցաբերելու եւ ծնողագուրկ երեխաներին, մահաբեղականների մօտ բռնի տարուած հայ կանանց ու երեխաներին յայտնաբերելու եւ փրկելու համար: Խնդիրը, եթէ միայն Տրապիզոնով եւ նրա վերայէթով սահմանափակուէր, ապա օգնութիւնը կը հասցուէր շատ ա-

րագ եւ ժամանակին: Սակայն դժուարին դրույթեան մէջ էր գտնուում ողջ Արեւմտեան Հայաստանը: Հայ Առաքելական Եկեղեցու, Հայ Հասարակական-Քաղաքական եւ ռուսական կառավարական եւ ոչ-կառավարական, ինչպէս նաեւ ամերիկեան եւ մասամբ բրիտանական կազմակերպութիւններ ռազմա-րուծիւնը գլխաւորապէս կենտրոնացուած էր Ալաշկերտի, Վանի, Մուշի, Սասունի եւ էրզրումի հայութեան փրկութեան եւ վերադարձի գործը կազմակերպելու վրայ: Բացի այդ, Հայ Առաքելական Եկեղեցին ու Հայ Հասարակական-Քաղաքական կազմակերպութիւնները զգալի դրամական միջոցներ էին յատկացնում Հայ կամաւորական խմբերին, որոնք թուով ութն էին, ուր ընդ-գրկուած էին եօթ հազարից աւելի մարտիկներ:

Մահմեդական եւ վրաց բարեգործական կազմակերպութիւններ կողմից Տրապիզոնի նահանգում, մասնաւորապէս Ռիզէ քաղաքում ծաւալած գործունէութիւնը հասկանալի եւ բացատրելի է: Վրաց բնակչութիւնը, բացառու-թեամբ Բաթումի որոշ շրջաններից, առաւել եւս ռուսահպատակ մահմեդա-կանները չէին տուժել մարտական գործողութիւնների ընթացքում տեղի ունե-ցած թալանից, աւերածութիւններից: Վրաց եւ մահմեդական բնակչութիւնը չունէին հայերի նման հարիւր հազարաւոր փախստականներ, ծնողազուրկ երե-խաներ, որոնց գոյատեւման եւ վերաբնակեցման համար անհրաժեշտ էին մեծ նրկական միջոցներ: Ի տարբերութիւն հայերի, ԲՄԲԸն ունէր զգալի նրկական միջոցներ եւ հնարաւորութիւններ, քանի որ Կովկասի մահմեդա-կան բնակչութիւնը ենթակայ չէր զօրակոչի: Դա նշանակում է, որ տղամարդիկ շարունակում էին վարել իրենց տնտեսութիւնը եւ նրանց ընտանիքները չէին գտնուում հայ բնակչութեան նման ընկերային-տնտեսական ծանր վիճակում: Այնուամենայնիւ, Հայ Առաքելական Եկեղեցին եւ ԿՀԲԸ, ապա նաեւ Համա-ռուսաստանեան Քաղաքների Միութեան Կովկասեան Բաժանմունքը (ՀԲՄԿԲ) միջոցներ էին տրամադրում Տրապիզոնի եւ Նահանգի փրկուած բնակչութեան գոյատեւման համար: Այսպէս, 1916 Մարտի 3ին Գէորգ Ե. կաթողիկոսը հրա-հանգում է Վրաստանի Հայոց Թեմի Առաջնորդ Մեսրոպ եպիսկոպոս Մովսիս-եանին 5000 ռուբլի «փոխադրել Բաթում S(էր) Մեսրոպ աւագ քահանայ Մելեանին, որպէսզի Տրապիզոնի գրաւելուց յետոյ գործադրուի այնտեղի ու ծովամերձ շրջանների ազատուած հայ թշուառների կարիքների վրայ»<sup>14</sup>:

Բաթումից Մեսրոպ աւագ քահանան տեղեկացնում է, որ Ռիզէի շրջակայ-քում «մեր զօրքի առաջխաղացման ժամանակ նկատուել են նոր սպանուած հայերի դիակներ»<sup>15</sup>:

ԿՀԲԸ Բաթումի մասնաճիւղը կարողանում է ստանալ Պրիմորսկեան Զո-կատի (Կովկասեան Առաջին Բանակային Կորպուս) հրամանատար, զօրավար Վ. Պ. Լիպսովի թոյլտուութիւնը՝ Ռիզէ մուտք գործելու, հայ որբեր յայտնա-բերելու եւ Բաթում տեղափոխելու համար: ԿՀԲԸն տրամադրում է 30000 ռուբլի Բաթումում եւ Կորբուլթիում տրապիզոնաբնակ հայերի համար ա-պաստարաններ հիմնելու համար<sup>16</sup>:

1916 Ապրիլի 5ին Պրիմորսկեան Զոկատը եւ Սեւ Մովեան Ռազմական Նա-ւատորմը գրաւում են Տրապիզոն քաղաք-նաւահանգիստը: *Le Temps* թերթի հաղորդման համաձայն, քաղաքում գտնուել են «50 հայ որբ, 15 կին եւ մօ-տաւորապէս 1000 տղամարդ, որոնք թաքնուել էին հարեւան գիւղերում»<sup>17</sup>: Սա առաջին դէպքը չէր, երբ ռուս ծովայինները փրկում էին հայերին: Դեռեւս 1915

Սեպտեմբերի 24ին Գէորգ Ե. կաթողիկոսը դիմում է Սեւ Ծովեան Ռազմական Նաւատորմի հրամանատար, ծովակալ Ա. Ա. Էբերգարտին, խնդրելով աջակցել Տրապիզոնի Կովատա-Շանէ բնակավայրի հայերին, որոնք գտնուում են ծանր վիճակում: Ծովակալի հրամանով ռուսական ռազմանաւերը յայտնուում են վեհափառի նշած վայրում, սակայն ապարդիւն: Նրանց չի յաջողում տեղում յայտնաբերել բնակավայրից որեւէ մէկին<sup>18</sup>:

Կազմուում է Կովկասեան Ռազմական Շրջանի Տրապիզոնի Ամրացուած Գօտին (Trapezundskiy Ookrplyennyi Rayon Kavkazskogo Ogrooka): Նրա պետ է նշանակուում զօրավար Ա. Վ. Շուարցը: Սկսուում է պաշտպանական ամրութիւնների կառուցումը: Տրապիզոնում ռուսական վարչակարգն ամրապնդելու նպատակով նշանակուում է ոստիկանապետ, իրեն ենթակայ վեց օգնականներ՝ պրիստաւներ<sup>19</sup>, 12 թաղային հսկիչներ եւ 120 ոստիկաններ<sup>20</sup>:

Զինուորական իշխանութիւնների թոյլտուութեամբ Ռիզէում գտնուող յանձնախումբը տեղափոխուում է Տրապիզոն: 1916 Ապրիլի 19ին զօրավար Լիախովը պաշտօնապէս արտօնուում է Հայկական Կոմիտէին գործելու Տրապիզոնում: Ապրիլի 26ին Տրապիզոնում հիմնուում է Հայկական Կոմիտէ, որը վիսաւորուում է Մեսրոպ աւագ քահանան<sup>21</sup>: Հայկական Կոմիտէն պէտք է զբաղուէր ոչ միայն ողջ մնացած հայերի փրկութեամբ, այլեւ սպանուած կամ աքսորուած հայերի եւ Հայ Առաքելական Եկեղեցու լքուած գոյքի հաշուառման ու տնօրինման խնդիրներով<sup>22</sup>:

Ապրիլի 21ին Կոմիտէի անդամները սկսում են հայերին պատկանող շինութիւնների եւ գոյքի հաշուառումը: Բացի հայերից, Յանձնախումբում ընդգրկուում են տեղացի բնակիչներից Անաստաս Լէոնդիդին (ազգութեամբ յոյն) եւ Աղա Իսմայէլը (մահմեդական): Նրանք պարզուում են, որ թուրքական իշխանութիւնները հայերին պատկանող շէնքերի մի մասը, ինչպէս օրինակ Սարգիս Տողրամաճեանի խանութը, վաճառել են տրապիզոնաբնակ մի թուրքի<sup>23</sup>:

ՀՔՄԿԲ Տրապիզոն է գործուղում բժիշկ Ե. Մինասեանին՝ բնակչութեան բուժօգնութիւնը կազմակերպելու նպատակով<sup>24</sup>:

Տրապիզոնի Հայկական Կոմիտէի որոնողական աշխատանքների արդիւնքում յայտնաբերուում են մահմեդականների տներում գտնուող 200 ծնողագուրկ երեխաներ<sup>25</sup>: Նրանց մեծ մասը տեղափոխուում է Բաթում, մի մասն էլ ապաստանուում է ազգականների մօտ: Փոքրաթիւ որբեր տեղաւորուում են Տրապիզոնում ՀՔՄԿԲի հիմնած որբանոցում<sup>26</sup>:

Հայկական Կոմիտէն հաշուառում է Տրապիզոն քաղաքում հայերի ունեցած անշարժ գոյքը: Նախնական ուսումնասիրութիւնները ցոյց են տալիս, որ հայերին պատկանող 426 տներից 131ն ամբողջութեամբ քանդուած են, իսկ 101ը՝ կիսաքանդ: Հայերն ունեցել են 141 խանութ<sup>27</sup>: Տների ու խանութների մի մասն ամբողջութեամբ թալանուած կամ աւերուած էր երիտթուրքական իշխանութիւնների եւ տեղական մահմեդական բնակչութեան կողմից:

Հայկական Կոմիտէի ուսումնասիրութիւնները ցոյց են տալիս, որ քաղաքի հայերին պատկանող եւ բարուօք վիճակում գտնուող 200-250 տներ կարելի է վարձակալութեամբ տալ ամսական 15-20 ռուբլի վճարով: Նմանապէս Կոմիտէն որոշում է վարձակալութեան յանձնել 150-200 խանութները՝ իւրաքանչիւրը ամսական 25-30 ռուբլով: Նախատեսուում էր վարձակալուած տներից եւ խանութներից վեց ամսուայ համար ստանալ համապատասխանաբար 23600 եւ

28000 ուղբլի<sup>28</sup>: Այսպէս, Կոմիտէի կողմից վարձակալութեան է տրուում բողոքական համայնքին պատկանող տունը, ուր գտնուում էր Վահան Ժամկոչեանի վարսաւիրանոցը<sup>29</sup>: Նշուած գումարներն օգտագործուելու էին ողջ մնացած հայ բնակչութեանն օգնելու համար:

Ռուսական զօրքի առաջխաղացումը հնարաւորութիւն է տալիս Նահանգի դժուարամտչելի վայրերում ապաստանած հայ բնակչութեան բեկորներին գալ Տրապիզոն: Քաղաք էին գալիս օրական 200-300 հայեր: Քանի որ Տրապիզոնում պարէնի եւ առաջին անհրաժեշտութեան պարագաների խիստ կարիք կար<sup>30</sup>, ուստի տրապիզոնցիներին տեղափոխում էին Ռուսաստան: Սուխումի Տրապիզոնցիների Կենտրոնական Յանձնաժողովի կատարած վիճակագրութեան համաձայն՝ Կովկասում եւ Ղրիմում ապաստանել էին Տրապիզոն քաղաքի եւ վիլայէթի 20000 հայեր<sup>31</sup>:

Մարտի 26ին Տրապիզոնի Հայկական Կոմիտէի նախագահ Մեսրոպ աւագ քահանան մամուլի միջոցով դիմելով հայրենակիցներին, կոչ է անում կատարել դրամական փոխանցումներ եւ հագուստ ուղարկել ջարդերից փրկուած տրապիզոնցի հայերի համար<sup>32</sup>:

1916 Մայիսին Տրապիզոնի Հայկական Կոմիտէն հնարաւորութիւն է ունեւնում կատարել նոր վիճակագրութիւն եւ հայերի ունեցուածքի հաշուառում<sup>33</sup>:

Գիւղերի անունները	Հայերի թիւը պատերազմից առաջ		Ողջ մնացած հայերի թիւը				
	Տուն	Հայ	Տղամարդ	Կին	Տղ.	Աղջ.	Գումար
1. Տրապիզոն քաղաք	1200	8000	13	25	35	19	92
2. Սիւրմենէ	80	630	17	10	6	6	39
3. Սիֆթէր	33	265	2	-	1	-	3
4. Ապիոն	40	300	18	5	2	2	27
5. Սամերա	24	190	2	-	-	-	2
6. Ֆիրինըղուտ	25	200	1	-	-	-	1
7. Կալաֆկա	56	390	20	8	-	4	32
8. Քիան	30	178	1	-	-	-	1
9. Տրոնա	9	80	3	-	-	-	3
10. Շանա	38	280	30	9	1	1	41
11. Կիւչանա	43	365	3	-	-	-	3
12. Աֆիանըղ	18	110	-	-	-	2	2
13. Սամարուքսա	21	170	19	6	2	2	29

14. Ճոշարա	35	265	2	2	-	-	4
15. Սկաֆիա	28	200	5	6	2	1	14
16. Կրոմեղա	40	235	4	2	2	2	10
17. Ջեֆանոս	59	365	2	2	-	-	4
18. Անիֆա	23	210	1	1	6	-	8
19. Տելիպալթա	10	60	1	-	-	-	1
20. Թոփալի	7	70	8	1	2	1	12
21. Վերանա	23	180	8	-	3	1	12
22. Կրոպի	30	210	8	1	4	4	17
23. Մուենդա	3	10	1	1	4	-	6
24. Թոց	25	200	7	3	5	5	20
25. Մինալի	7	35	1	-	1	-	2
26. Մանգիլէր	9	50	1	-	2	-	3
27. Միմերա	20	150	2	-	-	1	3
28. Նոխաժանա	13	120	6	1	2	-	9
29. Պարիան	22	180	7	2	2	3	14
30. Տիուրանոչ	5	35	1	-	-	-	1
31. Զիզաքոս	33	125	2	-	-	-	2
32. Լազանա	25	270	1	-	-	-	1
33. Ազրոյ	40	370	3	-	-	-	3
34. Օլասա	8	50	5	-	1	-	6
35. Մահմադ	8	55	-	6	-	1	7
36. Իլէ	20	190	-	1	-	-	1
37. Սիսերա	2	15	3	-	-	-	3
38. Ազրիա	15	150	13	3	-	-	16
39. Արգալիա	7	35	-	-	-	3	3
40. Կիլաթ	7	50	1	-	-	-	1
41. Մալա	50	300	2	-	-	-	2

42. Կապարոն	25	250	-	-	-	-	-
43. Զագուրդիս	30	250	-	-	-	-	-
44. Կապան	20	200	-	-	-	-	-
45. Օրֆրիկա	18	150	-	-	-	-	-
46. Սաթարիս	10	130	-	-	-	-	-
47. Այլեւայլ տեղացիներ	-	-	14	9	14	9	46
Ընդհանուր	2295	16343	238	104	99	65	506

Ներկայացրած աղիւսակից երեւում է որ Տրապիզոն քաղաքում Հայ բնակչու թիւը ունեցել է 1200 տուն. ողջ են մնացել 92 հոգի: Նահանգի 46 հայկական գիւղերի բնակչու թիւը ողջ են մնացել 368 հոգի: Նրանց են միացել այլ վայրերից փրկուած 46 հոգի<sup>34</sup>: Հասկանալի է, որ այս վիճակագրութիւնը ամբողջական չէ եւ չի ներկայացնում քաղաքի եւ նահանգի բնակչութեան եւ անշարժ գոյքի ստոյգ թուաքանակը, որը եղել է մինչեւ պատերազմը եւ տեղահանութիւնը: Այնուամենայնիւ, Հայկական Կոմիտէն որոշակի աշխատանքներ է կատարել Հայ բնակչութեան թիւը, գոյքը - թէկուզ եւ մօտաւոր - ճշտելու համար: Կոմիտէն շարունակում է հաշուառել եւ գոյքագրել հայապատկան շինութիւնները՝ տներն ու խանութները իր յետագայ գործունէութեան ընթացքում: Այսպէս, 1916 Ապրիլի 21ի դրութեամբ հաշուառուել է 142 շէնք<sup>35</sup>:

Յունիսի 19ին Մեսրոպ աւագ քահանան Տրապիզոնի Ս. Աստուածածին եկեղեցում պատարագ է մատուցում, որի ընթացքում «մահից ազատուած Տրապիզոնցիները, մանաւանդ կանայք ու աղջիկները, շարունակ արտասուքներ էին գլորում. հոգեհանգստին կանանց հետտերիկան (Չղացնցում - Ռ.Ս.) բռնեց. քանիսին եկեղեցուց դուրս տարան»<sup>36</sup>: Քահանան յայտնում է նաեւ ուրախալի նորութիւն՝ չորս ամուսնութիւնների մասին, որոնց արարողութիւններն ինքն է կատարել: Նա գրում է, որ տեսարանը «սաստիկ արտաշարժ էր ու յուզումնալից. հարսներից մէկը սեւ էր հագած ... հարազատները կորցրած լինելու պատճառով»<sup>37</sup>:

Հայկական Կոմիտէի կողմից նպաստներ են տրուել անապահով ընտանիքներին, կամ անհատ անձանց<sup>38</sup>:

Տրապիզոնի առողջապահական պայմանները խիստ անբաւարար էին: Քաղաքի աղբիւրներն այն աստիճանի էին աղտոտուած, որ հնարաւոր չէր օգտուել այդ ջրերից: Զուրը բերւում էր այլ վայրերից եւ կուժն արժէր 20 կոպէկ: Ինչպէս հաղորդում է Մեսրոպ աւագ քահանան. «նաթ, շաքար, աղ գրեթէ սպառուած են համարում, կանաչեղէն անգամ չի ճարում. դատարկ ամայի տներ - որքան կամիր»<sup>39</sup>: Չնայած առկայ ծանր ընկերային-տնտեսական պայմաններին, Ռուսաստանում ապաստանած տրապիզոնաբնակ հայերը ձգտում էին վերադառնալ եւ վերաշինել քանդուած օջախները, սակայն Կովկասի փոխարքայ, մեծ իշխան Ն. Ն. Ռոմանովն արգելել էր հայերի մուտքը Տրապիզոն<sup>40</sup>: Եւ դա այն դէպքում, երբ Տրապիզոնում եւ շրջակայ վայրերում

կառուցվում էին պաշտպանական տեղամասեր, իսկ հայերի վերադարձը կը նպաստէր, որ ռուսները ունենային աշխատանքային ոյժ, իսկ հայ գիւղացիին նրանց ապահովէր անհրաժեշտ սննդամթերքով:

Հայկական Կոմիտէն քայլեր է ձեռնարկում ստանալու «Ռեժի» Ընկերութեան պահեստներում պահուող եւ բռնագողթուած հայ վաճառականներին պատկանող ծխախոտը: Կոմիտէն ցանկանում էր ծխախոտը վաճառել եւ գոյացած գումարն օգտագործել ողջ մնացած հայերին օգնելու, որբերին ապաստան տալու եւ այլ կենսական խնդիրների համար: «Ռեժի» Ընկերութիւնը տեղեկացնում է, որ իր մթերանոցում 151 հակ` 10021 կգ. ծխախոտ կայ, որոնք պատկանում են հայերին: Ընկերութիւնը, սակայն, չի կարող նշուած ծխախոտը յատկացնել, քանի որ «Թիրք կառավարութիւնը մեկնող հայերու ստացուածքին եւ անոնց բուն տէրերուն վերադարձին վերաբերեալ հրատարակուած օրէնքին համաձայն, հայ մշակողներու եւ վաճառականներու վերոգրեալ ապրանքներն քիրք կառավարութիւնն տէր դարձած ու մեզ յանձնած է ի պահ»<sup>41</sup>: Նշուած պատասխանից հետեւում է, որ «Ռեժի» Ընկերութիւնը «ամենայն սրբութեամբ» կատարում է Տրապիզոնը լքած օսմանեան իշխանութիւնների հրամանը, ելնելով սեփական շահերից:

Կոմիտէի աշխատանքներն օրէցօր աւելանում էին: Բանն այն է, որ քաղաքում թողնուած հայ բնակչութեան գոյքը պահանջում էր ամէնօրեայ հսկողութիւն եւ հաշուառում: Այդ իսկ պատճառով Կոմիտէում աշխատողների թիւն աւելացում է: 1916 Յուլիսի 1ի դրութեամբ, բացի մշտական հինգ անդամներից, կային եւս 17 հոգի, որոնց թւում` հաշուապահ, երկու գրագիր, պահեստների երկու կառավարիչներ, տասներկու պահակներ եւ առանձին յանձնարարութիւններ կատարող: Կոմիտէի վեց ամսուայ գործունէութեան համար անհրաժեշտ էր 17070 ռուբլի<sup>42</sup>:

1916 Օգոստոսին Տրապիզոնի Հայկական Կոմիտէի նախագահի պաշտօնում, հիւանդացած Մեսրոպ աւագ քահանային փոխարինում է մասնագիտութեամբ իրաւաբան Արշակ Առաքելեանը<sup>43</sup>: Վերջինիս նշանակումը պայմանաւորուած էր նրանով, որ անհրաժեշտ էր կարգաւորել գոյքի եւ կալուածների հետ կապուած խնդիրները, ինչպէս նաեւ պէտք էր օգնել վերադարձողներին իրաւաբանական խորհրդատուութեամբ, որը կ'օգնէր նրանց լուծել իրենց գոյքի հետ առաջացած խնդիրները:

Տրապիզոնի ամրացուած շրջանապարէտի հրամանով բանակի կարիքների համար բռնագրաւում են քաղաքի հայերին պատկանող իրեր: Հայկական Կոմիտէն, ելնելով ռազմական անհրաժեշտութիւնից, տրամադրում է պահանջուած իրերը, սակայն կազմելով դրանց ցուցակը եւ արժէքը<sup>44</sup>:

Տրապիզոնի եւ Նահանգի ողջ մնացած բնակչութիւնը, գտնուելով բարոյահոգեբանական ծանր վիճակում, այնուամենայնիւ, իր մէջ ոյժ էր գտնում վրէժխնդրի լինել ջարդարարներից եւ փրկել թուրքերի տներում բռնի պահուող հայ կանանց, աղջիկներին եւ երեխաներին: Կազմում է 40 հոգուց բաղկացած խումբ, որը յարձակումներ էր գործում հակառակորդի վրայ: 12ից 15 տարեկան ութ պատանիներ եւս կազմել էին իրենց մարտախումբը, որը եւս շարունակաբար յարձակում էր թշնամու վրայ<sup>45</sup>:

Հայերը նոյնիսկ կարողանում են աջակցել ռուսական հրամանատարութեանը թուրքական զօրքերի դէմ մղուող մարտական գործողութիւններում:

Նրանք, լինելով տեղացիներ, լաւ գիտէին նահանգը եւ յաճախ կատարում էին հետախուզական բնոյթի առաջադրանքներ: Սամսոնի կոտորածներից փրկուած վաթսուէն հայեր Տէր Խորէն քահանայի եւ Աբրահամ Խաչատրեանի գլխաւորութեամբ ապաստանելով լեռներում մարտեր էին մղում թուրքական կանոնաւոր ստորաբաժանումների դէմ: Տեղեկանալով Տրապիզոնի գրաւման մասին, նրանք կարողանում են կապ հաստատել ռուսական հրամանատարութեան հետ: Ռուսները նրանց տալիս են 120 միաւոր զէնք եւ 92 նռնակ: Թուրքական հրամանատարութիւնը տեղեկանալով հայերի ստացած զինամթերքի մասին, նրանց դէմ է ուղարկում 700 զինուորից կազմուած ջոկատ: Հակառակորդը հայերին առաջարկում է յանձնուել, խոստանալով խնայել նրանց, սակայն մերժում ստանալուց յետոյ, անցնում է յարձակման: Հայերն իրենց ուժերը բաժանում են երեք մասի եւ կազմակերպում են պաշտպանութիւն: Աջ պաշտպանական տեղամասի հրամանատարն էր Զիլ Յովհաննէսը, կենտրոնականինը՝ Միքայէլ Զէյթունեանը, իսկ ձախինը՝ Խաչիկ Կարակէօզեանը: Հայերի կազմակերպուած դիմադրութիւնը հարկադրում է թուրքերին նահանջել<sup>46</sup>:

Պրիմորսկեան Ջոկատի հրամանատարութիւնը նախաձեռնում է հակառակորդի կուտակած պարէնի պաշարների ոչնչացումը: Տեղեկանալով, որ Թերմէ գիւղի պահեստներում եւ համանուն գետի գետաբերանում գտնուող առաքաստանաւերում կայ զգալի քանակութեամբ ցորեն, ռուսները որոշում են դրանք ոչնչացնել: Մի խումբ տրապիզոնաբնակ հայ հետախույզներ ափ են հանում Թերմէի գետաբերանում: Նրանք պարզում են, որ գետում կան 50ից աւելի առաքաստանաւեր բեռնուած ցորենով: Բացի այդ, Թերմէ գիւղում կա- յին ցորենի խոշոր պաշարներ: Նշուած ցորենը նախապատրաստուած էր ուղարկել գործող թուրքական բանակ: 1916 Հոկտեմբերի 20ին ռուսական երեք ականակիր եւ մէկ բեռնանաւ մօտենալով Թերմէի գետաբերանին ափ են իջեցնում 40 աշխարհազօրայինների եւ տեղացի 150 հայ կամաւորների: Նրանք են միանում նաեւ հայ հետախույզները: Թերմէ գիւղը գրոհում են նաեւ հայկական ուժերը: Նրանք առաջին հերթին կտրում են հեռագրաթելերը եւ հեռախօսաթելերը: Գրոհի ազդանշանը լինում է նրանց կողմից պարզուած դրօշակներ: Դիւերսիոն<sup>47</sup> հետախուզական ստորաբաժանումը կարողանում է կոտրել հակառակորդի պաշտպանութիւնը եւ ոչնչացնել գիւղի հացահատիկի պահեստները եւ նոյնիսկ ցորենով բեռնուած 20 առաքաստանաւ, բերել Տրապիզոն<sup>48</sup>:

Տրապիզոնի Կոմիտէն նաեւ զանազան անհրաժեշտ իրեր էր տրամադրում Տրապիզոնի ամրացուած շրջանի զօրամասերին: Այսպէս, 1916 Յուլիսի 1-1917 Յունուարի 1 ժամանակահատուածում բանակի կարիքների համար տրամադրում են 92000 ռուբլու զանազան առարկաներ եւ կենցաղային իրեր<sup>49</sup>:

Վան-Տոսպը յայտնում է, որ Մեսրոպ աւագ քահանան «նշանակուել է հայոց հոգեւոր իշխանութեան ներկայացուցիչ Տրապիզոնում եւ այս օրերս կը մեկնի իր պաշտօնատեղին...»<sup>50</sup>: Նման նշանակումը պայմանաւորուած էր Տրապիզոնում ստեղծուած լարուած դրութեամբ, երբ 1916 Նոյեմբերին խաթարում է Հայկական Կոմիտէի նորմալ գործունէութիւնը: Տրապիզոնի ոստիկանական բաժանմունքին է դիմում ոմն Ալեքսանդր Կալամկարովը (Կալամկարեան), եւ յայտնում Հայկական Կոմիտէի անդամների կողմից կատարուած չարաշահումների մասին: Նոյեմբերի 16ին ոստիկանական բաժանմունքի

պետ, գնդապետ Դինգան պահանջում է Տրապիզոնի ոստիկանապետից հետաքննել եւ գեկուցել<sup>51</sup> :

Կալամկարովն իր յայտարարութիւնում նշում է, որ Հայկական Կոմիտէի անդամներն օգտուելով զօրավար Լիախովի կողմից տրուած լաճն լիազօրութիւններից, չեն դիմանում գայթակղութեանը եւ «հայ որբեր որոնելու փոխարէն, որը գլխատր պատճառն էր կոմիտէի հիմնման համար, իրենց ողջ ուշադրութիւնը կենտրոնացրեցին ... ունեցուածքի իւրացման վրայ»<sup>52</sup> :

Հիմք ընդունելով Կալամկարովի յայտարարութիւնը, Տրապիզոնի ոստիկանապետը առաջին տեղամասի վերակացուն հրամայում է կնքել Հայկական Կոմիտէի զբաղեցրած շէնքը եւ պահեստը, հսկողութիւն սահմանելով վերջինիս վրայ<sup>53</sup> : Նշուած կարգադրութեան հետեւանքով դադարեցւում է Կոմիտէի գործունէութիւնը, որը բացասաբար է անդրադառնում որբերի որոնման եւ նրանց Ռուսաստան տեղափոխման գործին: Փաստօրէն, ռուսական իշխանութիւնները հաւատ ընծայելով Կալամկարովի անհիմն եւ անփաստացի ամբաստանութիւններին, հրամայում են դադարեցնել Կոմիտէի աշխատանքները:

Տրապիզոնի ոստիկանութեան կողմից կատարուած հետաքննութիւնը որեւէ արդիւնք չի տալիս: Կոմիտէի գործունէութիւնը վերսկսելու նպատակով, ԿՀԲԸի կողմից Տրապիզոն է գործուղւում, մասնագիտութեամբ իրաւաբան Արշակ Առաքելեանը: 1916 Հոկտեմբերի 16ին նա պաշտօնապէս դիմում է Տրապիզոնի ամրացուած շրջանի պետին, խնդրելով թոյլատրել վերաբացելու նոր «Տրապիզոնի Հայկական Կոմիտէ»: Առաքելեանն ուղղուած խնդրագրում ներկայացնում է Կալամկարովի ամբաստանութիւնների անհիմն լինելը եւ խնդրում հաստատել նոր Կոմիտէի կազմը եւ միաժամանակ թոյլատրել զբաղեցնել Կոմիտէի շէնքը, տնօրինել իրենց պատկանող դրամական միջոցները, պահեստը եւ վերադարձնել բռնագրաւուած ընթացիկ գրագրութիւնը: Ինչպէս նշում է Առաքելեանը, Կոմիտէն բաղկացած է լինելու հինգ անդամներից եւ չորս թեկնածուներից, այն գլխավորելու է ինքը՝ Առաքելեանը<sup>54</sup> :

Հոկտեմբերի 16ին Առաքելեանը եւ Ա. տեղամասի վերակացուն կատարում են Ս. Աստուածածին եկեղեցու գոյքի ցուցակագրում: Գոյքագրւում են 42 առարկայ, որոնց ընդհանուր արժէքը կազմում է 305 ռուբլի 50 կոպէկ<sup>55</sup> :

1917 Յունուարի 20ին Հայկական Կոմիտէն դիմում է Կովկասի փոխարքայ, Ռոմանովին, յայտնելով, որ Տրապիզոնի աքսորուած կամ սպանուած հայ վաճառականների պահեստներում կայ մեծ քանակութեամբ մթերուած ծխախոտ: Կոմիտէն խնդրում է փոխարքային հրամայել «Ռեժի» Ընկերութեանը, որպէսզի վերջինս հայերին պատկանող ծխախոտը յանձնի Կոմիտէին<sup>56</sup> :

Հայրենի գիւղեր վերադարձած հայերին սպառնում էր սովի վտանգը: Յատկապէս ծանր վիճակում են գտնւում Տրապիզոնի մերձակայ գիւղերը: Ռուս զօրքերն իրենց պարէնի պաշարները ամբողջացնելու նպատակով, առաջին հերթին հաւաքել էին մերձակայ գիւղերի ցորենը: Այսպէս, Պարիան գիւղի երկու հազար փութ ցորենից ոչինչ չէր մնացել: Ինչպէս նշում է Հայկական Կոմիտէին ներկայացուած գրութիւնում՝ «Այսօր երկրագործական աշխատանքի ժամանակն է, [գիւղացիները] ոչինչ չունին, որ նոյնիսկ իրենց արտերը մշակելով զբաղին եւ յառաջիկային հացի կարօտութիւն չքաշեն»<sup>57</sup> :

1917ի Փետրուարեան Յեղափոխութիւնը որոշ դրական տեղաշարժեր է առաջացնում Տրապիզոնի հայութեան համար: Վերացւում են փոխարքայու-

Թեան կողմից քաղաք եւ ազատագրուած նահանգ հայերի վերադարձի հետ կապուած արգելքները: Հայ բնակչութիւնը հնարաւորութիւն է ունենում աստիճանաբար վերականգնել քանդուած օջախները եւ ձեռնամուխ լինել գիւղատնտեսական աշխատանքների: Գոյքի վերադարձի հետ առաջանում են մի շարք խնդիրներ: Ինչպէս հաղորդում են 1917 Մարտի 9ին Գէորգ Ե. կաթողիկոսին ուղղուած նամակում Սուխումում ապաստանած եւ հայրենակիցների կողմից լիազօրուած Գրիգոր Յոփսէփեանը եւ Արամ Յակոբեանը՝ երիտթուրքական իշխանութիւնները հայերի գոյքին տիրացած մահմեդականներին յանձնել են գոյքի տնօրինման իրաւունք, որը վաւերացուած էր համապատասխան փաստաթղթերով: Յոփսէփեանը եւ Յակոբեանը առաջարկում են կաթողիկոսին հնարաւորութիւն ստեղծել, որպէսզի իշխանութիւնները թոյլատրեն որ իւրաքանչիւր ընտանիքից մէկական հոգի վերադառնայ Տրապիզոն եւ տնօրինի գոյքը<sup>58</sup>: Նման անհանգստութիւնը բացատրուում էր նրանով, որ Տրապիզոնի ռուսական իշխանութիւնները տեղեակ չէին երիտթուրքական իշխանութիւնների նման կեղծարարութեանը եւ գոյքի հետ կապուած վէճը կարող էին լուծել յօգուտ մահմեդականների: Միաժամանակ, Տրապիզոնում պաշտօնավարում էին ռուսական ինքնակալութեանը հաւատարիմ աստիճանաւորներ, որոնք շարունակում էին կայսերական քաղաքականութիւնը եւ զանազան խոչընդոտներ էին յարուցում հայրենիք վերադարձող հայերի նկատմամբ: Բացի այդ, փորձում էին արհեստականօրէն նուազեցնել հայերի թուաքանակը նահանգում եւ քաղաքում: Այսպէս, Armianskii Vestnikի (Հայկական լրատու) թղթակիցը յայտնում է, որ Տրապիզոնում հրատարակուող Trapezundskiy Voyennii Listok (Տրապիզոնի զինուորական թերթիկ) թերթը, կիրակնօրեայ համարներում տպագրում է պատմական բնոյթի յօդուածներ՝ «Մի քանի խօսք Փոքր Ասիայի քրիստոնէական հողերի մասին», «Տրապիզոնի անցեալը» եւն.: Armianskii Vestnikի թղթակիցը նշում է, որ լոյս է տեսել նշուած թերթի քսանութ համար, սակայն այնտեղ ոչ մի խօսք չի ասւում Հայաստանի եւ հայերի մասին: Միայն Trapezundskiy Voyenniy Listokի N 24ում տրւում է վիճակագրական փոքրիկ տեղեկութիւն, համաձայն որի Տրապիզոնի շրջանում բնակուում են ընդամէնը 165 հայ: Ըստ Armianskii Vestnikի թղթակցի՝ «Թերթը (Trapezundskiy Voyenniy Listokը - Բ.Ս.) այնպիսի տպաւորութիւն է թողնում, կարծես թէ Փոքր Ասիայում Հայաստան ընդհանրապէս գոյութիւն չունի»<sup>59</sup>:

Այնուամենայնիւ, իշխանութիւնների վերաբերմունքը սկսում է աստիճանաբար փոխուել: 1917ի դրութեամբ Տրապիզոնում բնակուում էր 1500 հայ<sup>60</sup>: Շարունակուում է նահանգի հայ բնակչութեան հաշուառումը:

Կեանքի միջոցների համեմատական բարելաւումը հնարաւորութիւն է ստեղծում վերանորոգել Տրապիզոնի Ս. Աստուածածին հայկական եկեղեցին եւ կից տունը, որի համար պահանջուում է 4200 ռուբլի: Նաեւ հարց է բարձրացւում նոր շինութիւն վարձակալելու, որը հնարաւորութիւն կը տայ այնտեղ տեղափոխել ՀՔՄԿԲի որբանոցում գտնուող որբերին<sup>61</sup>:

Հայ որբերին իրենց օժանդակութիւնն են ցուցաբերում ոչ միայն Տրապիզոնի Հայկական Կոմիտէն, այլեւ անհատ անձինք եւ ռուսական բանակի Տրապիզոնում ծառայող հայ զինուորները: Վերջիններս որբերի համար հանգանակել էին 88 ռուբլի<sup>62</sup>: ՀՔՄԿԲի Տրապիզոնի մասնաճիւղից ամսեկան ստացւում էր 2800 ռուբլի գաղթականներին նպաստ տալու համար<sup>63</sup>, բժշկ Տրոֆիմովը

որբերի համար տրամադրում է 25 ռուբլի<sup>64</sup>: Գաղթականների կարիքները բա-  
լարարելու նպատակով վաճառուել է նուիրաբերուած 50 հատ ոսկեդրամ, ո-  
րոնց ընդհանուր արժէքը կազմել է 1350 ռուբլի<sup>65</sup>:

1917 Մարտի 10ին ԿՀԲ Ընկերութեան ուղարկուած գանազան ապրանք-  
ների վաճառքից ստացուել է 1784 ռուբլի 42 կոպէկ գումար<sup>66</sup>, որը եւս տրա-  
մադրուել է հայ գաղթականների եւ որբերի կարիքներին:

Տրապիզոնի Հայկական Կոմիտէն իր գործունէութիւնն ապահովելու  
նպատակով վարձակալութեան է տալիս հայերին պատկանող տները: Այդ  
նպատակով կնքուում են համապատասխան պայմանագրեր, որտեղ նշուում է  
տանտիրոջ անուն-ազգանունը, ամսեկան գումարը<sup>67</sup>: Միհրդատ Սրապիոն-  
եանի տունը 1917 Սեպտեմբերին վարձակալութեան տալով ստացուել է 35  
ռուբլի<sup>68</sup>: Խնամութեան վարձակալութիւնը աւելի թանկ արժէր՝ ամիսը 250  
ռուբլի<sup>69</sup>: Հաւաքուած գումարների մի մասը փոխանցուում էր դրամատուն եւ  
Կոմիտէն օգտուում էր նշուած գումարի տոկոսներից<sup>70</sup>:

Միաժամանակ ժառանգորդներին են յանձնուել տներում եղած ապրանք-  
ները: Այսպէս, 1916 Յուլիսի 20ին կազմուած արձանագրութիւնից պարզուում է,  
որ Վան քաղաքի բնակիչ Յակոբ Տէր Յակոբեանին են տրուել նրա դասեր Շու-  
շանիկ Քիլերեանին պատկանող իրեր, ընդհանուր՝ 171 ռուբլի արժէքով<sup>71</sup>:

Հայկական Կոմիտէն 1917 Յունուարի 7ից մինչեւ Փետրուարի 3ը ռուսա-  
կան դրամատուն իր հաշուեհամարին է տեղափոխել 32000 ռուբլի, որոնք հա-  
ւաքուել են տների վարձակալման, գոյքը վարձով տալու կամ վաճառելու մի-  
ջոցով<sup>72</sup>: Անհասկանալի է, թէ ինչու դրամական զգալի պահանջներ ունեցող  
Կոմիտէն նման զգալի քանակութեամբ գումար է փոխանցել:

1917 Մարտի 16ին Վահան Մալէգեանը Կահիրէից ուղարկուած նամակում  
Տրապիզոնի հայ եկեղեցու թաղական խորհրդին յայտնում է, որ իր կողմից  
դիմումներ են արուել Գէորգ Ե. կաթողիկոսին, Մեսրոպ աւագ քահանային,  
Մշակ թերթին, խնդրելով տեղեկութիւն յայտնել իր քրոջ՝ Մարի Արապեանի  
մասին: 1915ի ամռանը նա եւ իր ամուսինը՝ Կայծակ աղան տարագրուել են  
Տրապիզոնից Սիրիա: Մեծ դժուարութիւններով յաջողուել է Մ. Արապեանին  
տեղափոխել Իզմիր՝ ազգականների մօտ: Բռնագաղթի ընթացքում մահացել է  
ծծկեր երեխան: Երեք աղջիկները՝ Նինան, Սիրանոյշն ու Հերանոյշը գտնուում  
են Չարչամպայում<sup>73</sup>:

Տրապիզոնի եւ Նահանգի քայքայուած տնտեսութեան հետեւանքով զգա-  
լուում էր առաջին անհրաժեշտութեան պարագաների սուր կարիք: 1917 Ապրիլի  
10ից Հայկական Կոմիտէի անդամների համար սահմանուում է ամսեկան հե-  
տեւեալ աշխատավարձը՝ նախագահ Արչակ Առաքելեանին՝ 300 ռուբլի, ան-  
դամներ՝ Ներսէս Դաւթեանին՝ 130 ռուբլի, Խաչիկ Այտընեանին՝ 125, իսկ Խոս-  
րով Սարգսեանին՝ 60 ռուբլի: Փաստօրէն Կոմիտէի անդամներին մէկ ամսուայ  
համար տրուում է 615 ռուբլի գումար<sup>74</sup>: Հաշուի առնելով ծանր վիճակը, նշուած  
գումարը խիստ անբաւարար էր նրանց բնականոն գործունէութեան համար,  
քանի որ գներն օրէցօր աճում էին եւ ռուբլին խիստ արժէզրկուել էր:

1917 Օգոստոսին կայացած Տրապիզոնի քաղաքային մարմնի ընտրութիւն-  
ներում ընտրուում են եօթ հայեր<sup>75</sup>:

Հայկական Կենտրոնական Կոմիտէի լիազօր եւ Տրապիզոնի Հայկական  
Կոմիտէի նախագահ Արչակ Առաքելեանը յայտնում է, որ Հոկտեմբերի 27ին

Կարինից քաղաք են փոխադրուել բռնագաղթից փրկուած 54 հայ կին եւ երեխայ, «որոնք Տրապիզոնի շրջակայքի գիւղերի բնակիչներից են. այդ գաղթականներին Կարինից փոխադրել է [Տրապիզոնի Հայկական] Կոմիտէի նախկին անդամ Պ. Օտապաշեանը»<sup>76</sup>:

*Միաժամանակ յաջողուած է Տրապիզոնի ռուսական իշխանութիւններից ստանալ հայերի լքեալ գոյքը՝ այգիները, հողը, դրամը եւն. տնօրինելու իրաւունքը:*

Սեպտեմբերի 27ին, 18 հայեր, երկարատեւ դեգերումներից յետոյ կարողանում են մօտենալ ռուսական առաջապահ զիւրքերին: Ռուսները սխալմամբ նրանց համարում են լրտեսներ: Տրապիզոնի ամրացրած շրջանի պետ, գնդապետ Սմիռնովը նրանց հարցաքննելուց յետոյ պարզում է իրականութիւնը եւ ուղարկում Թիֆլիս: Քանի որ հայերը թուրքահայաստակ էին, նրանց համարում են ռազմագերի: Իսկ դա նշանակում է, որ նրանց ուղարկելու են Սիբիր: Հայերին այդ վտանգից ազատելու յատուկ դիմում է արւում Անդրկովկասեան Յատուկ Կոմիտէի անդամ Միքայէլ Պապաշանովին (Պապաշանեան)<sup>77</sup>:

1917 Հոկտեմբերի 15ին Մեսրոպ աւագ քահանան յայտնում է Հայկական Կոմիտէին, որ Անդրկովկասեան Յատուկ Կոմիտէն Հոկտեմբերի 10ին հրամայել է «Ռեթի» Ընկերութեանը հայերին պատկանող ծխախոտը յանձնել իրեն, որպէս Ամենայն Հայոց Կաթողիկոսի ներկայացուցիչ<sup>78</sup>:

1917 Նոյեմբերին Կովկասեան Ռազմաճակատի Ռազմածովային Ուժերի Կոմիսարի Օգնական (տեղակալ) Պարոյր Լեւոնեանը (աշուղ Զիւանու որդին) դիմում է Սեւ Մովի ռուսական նաւահանգիստների պետ Ֆեդորովիչին, պահանջելով շտապ նաւեր տրամադրել թուրքական առափնեայ շրջաններում թաքնուող հայ փախստականներին: Լեւոնեանը յայտնում է, որ նշուած խնդրի լուծման համար կ'աջակցի Կովկասեան ռազմաճակատի Պրիմորսկեան Շրջանի հետախուզութեան պետը<sup>79</sup>:

1917 Նոյեմբերի 8ին Մեսրոպ աւագ քահանան դիմում է Պապաշանովին, խնդրելով միջամտել, որպէսզի գինուորականները վերադարձնեն իրենց կողմից օգտագործուող Տրապիզոնի հայկական դպրոցի շէնքը<sup>80</sup>:

Սակայն Ռուս-թուրքական (Հայկական) ռազմաճակատի քայքայումով ռուսական զօրամասերը սկսում են հեռանալ ռազմաճակատից: Տրապիզոնում տեղակայուած զանազան հաստատութիւններ, որոնք իրենց գործունէութեան համար գոյք էին վերցրել Տրապիզոնի Հայկական Կոմիտէից, սկսում են վերադարձնել ստացուածը<sup>81</sup>:

1918 Յունուարի 19ին Մեսրոպ աւագ քահանան պահանջում է Հայկական Կոմիտէից ներկայացնել հաշուետուութիւն վաճառուած ծխախոտից ստացուած գումարների մասին<sup>82</sup>: Իսկ Յունուարի 13ի նամակում քահանան յանդիմանում է Կոմիտէին, որ «չի հոգացել փրկելու ազգային մտաւոր հարստութիւնը—գրադարանը ու այս պատճառով գրադարանի գրքերը զոհ են գնացել բաւական թուով դպրոցական շէնքում բնակած զինուորների կողմից»<sup>83</sup>:

Տրապիզոնը հետաքրքրում է նաեւ ամերիկացիներին: Նրանք նախապատրաստում են այստեղ զգալի գումարներ ներդնել, ինչպէս օրինակ նաւահանգստի ընդլայնման համար: Միաժամանակ աշխուժանում է յոյն բնակչութիւնը, որը փորձում է տեղում ինքնավարութիւն ձեռք բերել<sup>84</sup>:

Յաւօք, 1918 Փետրուարին սկսուած թուրքական յարձակումը հնարաւորութիւն չտուեց իրականացնել նախատեսուած ծրագրերը: Անհանգստացած թուրքերի լայնածաւալ յարձակումից, Փետրուարի 13ին, N 5 գրութիւնում Մերոպ քահանան տազնապով յայտնում է Կոմիտէի անդամներին՝ «Տրապիզոնը կանգնած է մեծ վտանգի առաջ»: Նա խնդրում է շտապ Բաթում ուղարկել արժէքաւոր<sup>85</sup> իրերը: Փրկուած եւ հարազատ օջախները վերադարձած տրապիզոնցի հայերը ստիպուած էին կրկին ապաստանել Ռուսաստան<sup>86</sup>:

Հասկանալի է, որ ներկայ հրապարակմամբ չենք կարող ամբողջութեամբ լուսաբանել Տրապիզոն քաղաքի եւ նահանգի հայութեան փրկութեան հետ կապուած բոլոր հարցերը: մեր յետագայ ուսումնասիրութիւններում կը փորձենք լրացնել այդ բացը նորայայտ վաւերագրերով, փաստերով եւ տեղեկութիւններով:

Յօդուածում ներկայացուող փաստաթղթերը, բացառութեամբ N 1ից (որը թարգմանութիւն է Տրապիզոնում հրատարակուող թուրքական պաշտօնաթերթից) որոնք պահպանուում են Հայաստանի Ազգային Արխիւում, տպագրուում են առաջին անգամ, ուղղագրական եւ կէտադրական որոշ շտկումներով ու ոճի պահպանմամբ: Փաստաթղթերի վերնագրումը կատարուել է մեր կողմից:

Ա.

**Թուրքական Կառավարութեան Պաշտօնական Յայտարարութիւնը  
Տրապիզոնի Հայերի Բռնագաղթի Մասին, Եւ «Միութիւն Եւ  
Առաջադիմութիւն» Երիտթուրքական Կուսակցութեան Տրապիզոնի  
Մեշեվերէթ Պաշտօնաթերթի Յօդուածը «Ռուսական  
Վայրագութիւններ»ի Առնչութեամբ 13 Յունիսի 1915 թ., Տրապիզոն  
1.**

**Թուրք Կառավարութեան  
Պաշտօնական Յայտարարութիւնը Տրապիզոնի Հայերին**

«Բաւական տարիներէ ի վեր, Օսմանեան բնակչութեան մասը կազմող մեր հայ հայրենակիցները, արտաքին թելադրութիւններու հետեւելով, վնասակար եւ խաղաղութիւնը վրդովող գաղափարներ կը սնուցանեն եւ այս կերպով թէ իրենց հանգստութիւնը եւ թէ օսմանեան հայրենիքին իրենց միւս հայրենակիցներուն գոյութիւնն ու հանգստութիւնը կը խանգարեն եւ արիւնահեղութեանց պատճառ ըլլալ կը համարձակին: Նոյնիսկ հայ ժողովուրդին գոյութեանը եւ այժմ մեր կառավարութեանը հետ պատերազմող թշնամուն աջակցելու կը յանդգնին: Ուստի թէ երկրին պաշտպանութիւնն եւ խաղաղութիւնը պահպանելու համար մեր կառավարութիւնն արտակարգ միջոցներ եւ զոհողութիւններ ստանձնելով, մինչեւ պատերազմին վախճանը բնակելու համար ներքին գաւառներու մէջ կառավարութեան նշանակած վայրերը փոխադրել որոշած է եւ բոլոր օսմանցիներուն վճռականապէս յետագայ յայտարարութիւնը կ'ընէ, որուն պարտաւոր են կէտառկէտ հնազանդի բոլոր օսմանցիները:

1. Ներկայ յայտարարութեանս թուականէն հինգ օր վերջը առհասարակ բոլոր հայերը, ի բացառեալ հիւանդները, թաղերու եւ գիւղերու բաժանումներով պարտաւոր են մեկնիլ ժամդարմներու պաշտպանութեան տակ:

2. Մեկնելու ժամանակ իրենց շարժուն գոյքերէն միասին առնել թոյլատրուած են, բայց աւելորդ գոյքեր, անշարժ կալուածներ ծախել կամ ուրիշներու յանձնելն արգիլուած է: Որովհետեւ տեղափոխութիւնը ժամանակաւոր ըլլալուն պատճառաւ, այն բոլոր գոյքերը, որ պիտի թողուին՝ պիտի կապուին եւ հակեր շինուած հաստատուն շէնքերու մէջ պիտի ամփոփուին եւ անշարժ կալուածներով միասին պիտի պահպանուին ու երբ վերադառնան՝ դարձեալ, նոյնութեամբ իրենց պիտի վերադարձուին: Ամէն անոնք, որ հակառակ այս հրամանին, զնեն, ծախեն եւ պահեն՝ զինուորական ատեանի առաջ պիտի դրկուին: Միայն այն ամէն իրեղէնները, որ բանակին պիտոյքը գոհացնելու բնոյթ ունին՝ կարելի է յօժար կամքով ծախել կառավարութեան:

3. Ճամբորդութեան միջոցին հանգստութեան համար պանդոկներ եւ մեծ շէնքեր պատրաստուած են եւ ռեւէ յարձակումի ենթակայ չ'լլալու եւ ողջ-առողջ իրենց առժամանակեայ բնակավայրը հասնելու համար ամէն կերպ կարգադրութիւններ կատարուած են:

4. Հայ ժողովուրդէն մէկին կամ մէկ քանիներուն վրայ յարձակում ընողներուն դէմ պահակներուն կողմէ զէնք պիտի գործածուի եւ ողջ ձերբակալելով զինուորական ատեանին առջեւ պիտի դատուի եւ գլխատուի: Հայերուն երեւակայական գաղափարներով առաջնորդելուն հետեւանքն եղող այս կարգադրութիւնը ուրիշ ռեւէ ժողովուրդի հետ կապ կամ առնչութիւն չունենալով՝ բնակչութեան միւս տարրերը ռեւէ կերպով չ'պիտի միջամտեն այս գործին:

5. Հայերը պարտ են հնազանդիլ կառավարութեան այս հրամանին եւ եթէ ռեւէ հայ ոստիկան զինուորներուն վրայ զէնք գործածէ՝ անմիջապէս ժանդարմները զէնքի պիտի դիմեն եւ զէնք գործածողները միայն մեռեալ ձեռք պիտի ձգեն: Դարձեալ, կառավարութեան հրամանին չհնազանդող, տեղափոխութենէն խուսափող եւ այս ու այն կողմն պահուրտողները, պահողները, կերակրողները եւ անոնց պահուիլն ապահովողները կախաղան բարձրացնելու համար զինուորական ատեանին առջեւ պիտի դրկուին:

6. Հայերը զէնք կամ ռումբ կրելու արտօնուած չըլլալով՝ իրենց բնակարաններու մէջ կամ դուրսը պահած ամէն տեսակ զէնք, ատրճանակ, ռումբ եւ երկսայրի սուրեր պէտք է կառավարութեան յանձնեն: Այս տեսակ զէնքերու մէկ մասին վրայ կառավարութեան տեղեկութիւն տրուած ըլլալով՝ ամէն անոնք որ նախապէս ծածկելու գաղափարով, չեն յանձներ եւ յետոյ կառավարութեան միջոցաւ երեւան կը հանուին՝ խիստ պատասխանատուութեան տակ պիտի մնան եւ պատժուին:

7. Ճանապարհին հայերը կողոպտելու, սպաննելու եւ այլ եւ այլ նպատակներու համար անոնց վրայ յարձակողներուն դէմ ժանդարմները ու զինուորները պարտաւոր են եւ արտօնուած զէնք գործածելու աղպիսի անձնատրութիւնները սպաննել:

8. Օսմանեան պանքային պարտք ունեցողները իրենց պարտուց փոխարէն կրնան ապրանքները յանձնել պանքային պահեստանոցին, միայն կառավարութիւնն իրաւունք ունի զնել զինուորական պիտոյից գործածութեան համար այդ բոլոր ապրանքները, պանքային վճարելով պարտուց գումարը, որուն փոխարէն ապրանքները յանձնուած են: Ուրիշ անձանց եղած պարտքին փոխարէն եւս կարելի է ապրանքներ յանձնել, միայն թէ պարտուց իսկութիւնն պէտք է կառավարութեան միջոցով հաստատուի, այս նպատակին հա-

մար վաճառականին վաերացուած տետրակները առաջնակարգ փաստեր կը կազմեն:

9. Մեծ եւ փոքր կենդանիները, զորս փոխադրել կարելի չէ, կառավարութիւնը պիտի գնէ:

10. Ճանապարհին վրայ գտնուող գիղերու, քաղաքներու կառավարութիւններու եւ նահանգներու պաշտօնեաները կարելի եղած օգնութիւնը պիտի մատուցանեն հայ ժողովուրդին:

2<sup>87</sup>.

#### Ռուսական Վայրագութիւններ. Յաւալի Էջեր

Յոյներու եւ հայերու առաջարկութեամբ Էրքէնս գիղախումբին վրայ յարձակող ռուսները, նոյն գիղի բնակիչներէն Իմամօղլուներու զաւակներէն Օսման աղան կը ձերբակալեն եւ իրենց կերակուր պատրաստելու համար կ'առաջարկեն իր կինը բերել եւ մերժելու պարագային կը ստիպեն: Խեղճը ծայրայեղ բռնութեան եւ տանջանքի տակ կինը պահած տեղէն ակամայ կը հանէ: Պատուի թշնամի այս վայրի գազանները կ'ուզեն Օսմանը ճամբել հրամանատարէն կանչուած եւ ըսելով: Թշուառ Օսմանը պատահելիքը գուշակած ըլլալով չի հնազանդիր, որուն վրայ կը յարձակին եւ թերերը կապել յետոյ իր աչքին առաջ կնոջ պատիւը կը բռնաբարեն եւ ի վերջոյ ամենագարհուրելի կերպով, այսինքն մարմինը կտոր-կտոր բաժնելով կ'սպանեն:

Կարմիր Դրօշակի ընկերներէն»

Խմբագրութիւնս այս վաերագիրը շնորհակալութեամբ ստացաւ Արժանապատիւ Տէր-Մեսրոպ քահ[անայ] Մելեանից<sup>88</sup>, որ Բաթումից Տրապիզոն եր մեկնել փախստականների օգնութեան գործով: Վաերագիրս թարգմանութիւն է թուրքերէն բնագրի, որ Տէր-Մեսրոպը ձեռք բերելով՝ թուրքերէնի տեղեակ մի տաճկահայի թարգմանել է տուել, որ եւ անփոփոխ հրատարակութեան ենք տալիս: Առաջին վաերագրի ապահովացումների կեղծիքը ոչ միայն տեղահանութեան անունով անլուր ջարդերն ապացուցանում, այլեւ Տրապիզոնի թուրք պաշտօնական թերթում հրատարակուած, երկրորդ վաերագիրը, ուր թուրքը խօսում է հայ եւ ռուսի վայրագութեանց մասին, շատ հասկանալի է թուրք ու քուրդ ամբոխի խժոժութիւնները եւ կոտորածները քաջալերելու:

Բ<sup>89</sup>.

Ս. Էջմիածնի Դիւանատան Գրութիւնը Եղբայրական Օգնութեան  
Յանձնաժողովի Նախագահ Գարեգին Վարդապետին՝ Տրապիզոնի  
Վիլայէթից Բաթում Ուղարկուած Որբերի Խնամքի Համար Միջոցներ  
Ձեռնարկելու Մասին

N498

3 Մարտի 1916թ. [Ս. Էջմիածին]

Նորին Ս[ուրբ] Օծութեան<sup>90</sup> հրամանով Դիւանս ուղարկելով սորա հետ Բաթումի Մեսրոպ աւագ քահանայ Մելեանի հեռագրի պատճէն, յանձնարարում է բարձրապատուութեանդ Տփլիսիսում հոգացողութիւն ունենալ այդ որբերի պահպանութեան համար Պետական նպաստ ստանալու:

*Մակագրութիւններ*՝ «4 Մարտի 1916», «թ. 546», «Կրկին գրել Մեսրոպ եպիսկոպոսին<sup>91</sup> ի շուտափոյթ տնօրինութիւնը», «75/914»:

Գ<sup>92</sup>.

Ս. Էջմիածնի Դիւանատան Գրութիւնները Վրաստանի Եւ Իմերեթի Հայոց Թեմի Առաջնորդ Մեսրոպ Եպիսկոպոս Տէր-Մովսիսեանին, Մեսրոպ Ա. Քինյ. Մելեանին 5000 Ռուբլի Ուղարկելու Եւ Վերջինիս Այդ Մասին Տեղեկացնելու Վերաբերեալ

1.

N 504

3 Մարտի 1916 [Ս. Էջմիածին]

Նորին Ս[ուրբ] Օծուքեան հրամանով Դիւանս յանձնարարում է Գերապատուութեանդ կարգադրել Ձեր ձեռքի տակ եղած միջոցներից առ այժմ 5000 ռուբլի] փոխադրել Բաթում Տ[էր] Մեսրոպ աւագ քահանայ Մելեանին, որպէս զի Տրապիզոնի գրաւելուց յետոյ, գործադրուի այնտեղի եւ ծովամերձ շրջանների ազատուած հայ բշուառների կարիքների վրայ:

Անկախ դրանից, Դիւանս խնդրում է Գերապատուութեանդ յայտնել, արդեօք պէտք եղած ժամանակ Բաթումի Տ[էր] Մեսրոպ աւագ քահանայ այժմէն իսկ կարող կը լինի՞ գնալ անձամբ նոր գրաւուած վայրերը՝ հայերին օգնութիւն հասցնելու գործով:

(ստորագրութիւնն ընթեռնելի չէ - Ռ.Ս.)

2.

N 508

3 Մարտի 1916 [Ս. Էջմիածին]

Հայրապետական Դիւանս, ի հետեւումն Ձեր Փետրուարի 26ի N 86 գրութեան, յայտնում է, որ Նորին Սրբութեան հրամանով, սորա հետ միաժամանակ, յանձնարարուեց Վրաստանի Հայոց Թեմակալ Առաջնորդին առ այժմ փոխադրել Ձեզ 5000 ռուբլի գործածելու Տրապիզոնի եւ ծովամերձ շրջանների հայ գաղթականների կարիքների վրայ:

(ստորագրութիւնն ընթեռնելի չէ - Ռ.Ս.)

Գ<sup>93</sup>.

Բաթումի Տրապիզոնի Հայրենակցական Միութեան Նամակը՝ Որբերի Համար Գնուած Պարէնի Եւ Նրանց Բաթում Ուղարկելու Մասին

22 Ապրիլի 1916 թ. Բաթում

Միրելի ընկերներ

Իր ժամանակին ստացայ N 7 Ձեր նամակը եւ 106 որբերու ցուցակը. Ձեր նամակով պահանջած մքերքները նոյն օրը գնուած եւ պատրաստուած է, սկսեալ ալիւրից, շաքարից եւ այլն, բայց ինչպէս Ձեզ ալ յայտնի պիտի լինի, վերջերս քաղաքս մեծ կարիք ունէր մքերքներու, մանաւանդ ալիւրի, այս պատճառաւ հարկ եղայ նախ Բռնօսկի Քոմիսիայից<sup>94</sup> խնդրել իրաւունք, որպէս զի կարենանք այդ ապրանքները դուրս հանել, իսկ վերջը խնդրել, որպէս զի կարենանք նաւ բառնալ, կը յուսանք, որ այսօր ամէն բան պատրաստ ըլլալով պիտի կարողանանք բառնալ: Ձեզ լաւ յայտնի է, թէ այդ տեսակ գործերը ինչպէս կրիայի քայլերով առաջ կ'երթան: Հայր Մելեանը մի քանի անգամներ Ուբրաւան<sup>95</sup> գնաց, որպէս զի գործը արագացնելու՝ արդիւնքը գրեթէ ոչինչ եղաւ:

Ձեր մեկնելէն վերջ մենք Բաթումի մէջ դրամ չենք հաւաքած, բայց դրամներ ստացած ենք նոր՝ Սոչիից՝ Հայկական Կոմիտէից երկու անգամով 975 ռուբլի, իսկ Նովորոսիյսկից Սիիրան (ազգանունն ընթեռնելի չէ - Ռ.Ս.)՝ 700 ռուբլի, որով եթէ դրամի պէտք ունէք, կրկին գրեցէք եւ առաջին առթիւ Ձեզ կ'ուղարկենք:

Մենք հոս աշխատած ենք, որպես զի մի քանի ամիսներ մնացող մի քոմի-  
թե կազմել ու ուղարկել հոս, որպես զի եթե դուք գալու լինէք, նոքա շարունա-  
կեն Ձեր գործը, յայտնի է շատ փափագելի էր, որ այդ Քոմիթեն ըլլար տրա-  
պիզոնցիներէն եւ բաւական ալ ռուսերէն գիտնային, իսկ եթե քիչ ըլլան տրա-  
պիզոնցիները, ստիպեալ պիտի ըլլամք խնդրելու Տիֆլիսից, որպես զի օգնի  
մեզ, արդէն կը խնդրէինք Ձեզ, որպես զի մինչեւ Քոմիթեն Տրապիզոն գալուն  
դուք Ձեր ազգօգուտ զբաղումները շարունակէիք ու Բաթում գալերնիդ ա-  
ռայծմս յետաձգէք:

Պարոն Յարութիւնի բերած ցուցակը նոյնպէս ստացանք, եթէ այդ ցու-  
ցակը կազմելէ վերջը նոր յորբեր] գտնուած են, խնդրէինք, որ փութով մեզի  
յայտնէք, զի ժողովուրդը անհամբեր կը սպասէ նոր ցուցակներ կարդալու եւ  
նոր անուններ կարդալու:

Մենք կը խնդրէինք, որպէս զի առաջի առիթով մեզ տեղեկացնէիք, թէ  
մարդիկներու պէտք ունի[°]ք, որովհետեւ փափագողներ բաւական շատ կան,  
մենք այնպէս կը կարծենք, որ կարելի է] խնդրել անոնց համար հրաման, որ-  
պէս զի Տրապիզոն մեկնին:

Բարեւելով Ձեզ եւ մաղթելով յաջողութիւն:

Մնամք յարքանօք՝ ի դիմաց Տրապիզ[ոնցիներու] Հայրենակ[ցական]  
Սիութեան (*ազգանուհն ընթեռնելի չէ - Ռ.Ս.*)

Ե<sup>96</sup>.

**Տրապիզոնի Հայկական Կոմիտէի Նախագահ Մ. Էմերեանի Ձեկոյց Մետրոպ  
Ա. Քհնյ. Մելեանին՝ Կոմիտէի Աշխատակիցների Կեցութեան Համար  
Ծախսուած Գումարը Վճարելու Մասին**

Armyanskiy Komitet V Trapezunde<sup>97</sup>

N 41

3 Յունիսի 1916 թ. [Տրապիզոն]

Արժանապատիւ Տէր Մետրոպ Ա[ւագ] ք[ա]հ[ա]ն[ա]յ] Մելեան

Հայոց Հոգեւոր Իշխանութեան Եւ Կ[ո]վկասի] Հ[ա]յոց] Բ[արեգործական]

Ընկ[երութեան] Եւ Հայկ[ական] Կենտ[րոնական] Կոմիտէի<sup>98</sup> Լիազօր

Աստ

Մեր պաշտօնեաներուն որոշ ռոճիկներ նշանակուած չըլլալուն, ներկա-  
յիս կը դիմենք Ձեզ ի հաստատութիւն առանձին ներկայացուցած հետեւեալ  
երեք հաշուեցուցակները վճարելու համար:

N 1 Պ. Տիգրան Եսայեան, անդամ ուրբաւայի<sup>99</sup> կից կազմուած յանձնա-  
ժողովի: 1916 Ապրիլ 25էն Յունիս 2 պաշտօնավարութեան ժամանակի անձ-  
նական ծախքեր օրական 3 ըրութի] էն 120 ըրութի]<sup>100</sup>:

N 2 Պ. Մանաթ Ճերմակեան, հսկիչ բանուորներու եւ զանազան յանձնա-  
բարութիւններ կատարող: Մայիս 1էն Յունիս 2 պաշտօնավարութեան ժամա-  
նակի անձնական ծախքեր օրական 1 [րութի] 60 էն 52 ըրութի] 80 կ[ոպէկ]:

N 3 Պ. Պետրոս Օտապաշեան, վերահսկիչ բանուորներու եւ զանազան  
յանձնարարութիւններ կատարող: Մայիս 1էն Յունիս 2 պաշտօնավարու-  
թեան ժամանակի անձնական ծախքերը 39 ըրութի]:

Մատուցանելով յարգանքներս նախագահ Հայկ[ական] Կոմիտէի՝ Մ.

Էմերեան (*ստորագրութիւն*)

*Մակազրութիւններ՝* «Ստացայ 3 Յունիսի»: «N 18: Ոչինչ չունենալով ընդդէմ,  
յանձնարարում եմ Հայկական կոմիտէի պ. Նախագահին բացատրել ըստ ի-

ընց յայտնած պահանջի: Մ[երոյ] ա[ւագ] ք[ահանայ] (*ստորագրութիւն*):  
3 Յուլիսի 1916 թ., Տրապիզոն»:  
Չ<sup>101</sup>.

Ս. Գափամաճեանի Գիմունը Հայկական Կոմիտէի Նախագահ Մերոյ Ա.  
Քինյ. Մելեանին «Գափամաճեան Ընկերութեան» Ապրանքների  
Տնօրինութեան Հետ Կապուած Վիճելի Խնդիրները Լուծելու Մասին  
10 Յունիսի 1916 թ. Տրապիզոն

Արժանապատիւ Հայր Մելեան  
Նախագահ Հայկական Քոմիթէին

Ըստ Ձեր Սրբութեան տուած որոշման, ստանձնած եմ արդէն մեր գոր-  
ծակատար Միքայէլ Կորկոտեանի գրասենեակի եւ Ամբարի մէջ գտնուած  
հակերը, որոնք ինչ ինչ պարագաներ նկատի ունենալով, կը խնդրէի, որ ար-  
տօնէիք անմիջապէս դրամի վերածել:

Այժմ տեղս եկած է Արմենակ Հիւսեան եւ կը ներկայանայ իբրեւ ընկեր  
նախկին Գափամաճեան Ընկերութեան եւ կ'ընէ կարգ մը պահանջներ, ո-  
րոնք ըստ իս իրաւացի չեն:

Նախկին Գափամաճեան Ընկ[երութիւնը] կազմուած էր չորս անդամնե-  
րէ, որ[ոն]ք էին՝

1. Պետրոս պէյ Գափամաճեան
2. Մարտիրոս Կիլիմեան
3. Սկրտիչ Հիւսեան

4. Իգնատիոս Հիւսեան (որն ուներ երկու եղբայր, մին Արմենակ եւ միւրը՝  
Հմայեակ, որոնք թոշակատր պաշտօնեայ էին):

Հայրս սպանուելէ վերջ, Ընկերութիւնը շարունակուեցաւ առանց նոր  
պայմանագրութեան եւ Գափամաճեան անուն ֆիրմային Մանչեստրէն եւ  
Պոլիսէն նոր ապրանք եկած կամ դրկուած է իմ անձիս հանդէպ ունեցած  
վստահութեան եւ միայն ինձ կը ճանաչեն իբր պատասխանատու, ինչպէս կը  
տեսնաք ներփակ նամակէն (*Նամակը բացակայում է - Ռ.Ս.*) եւ ընդի[անուր]  
հաշուեկշռէն: Ես կը ցանկանամ, որ տիար Մարանեանի ամբողջ հաշիւը նախ  
ինձ յանձնուի՝ իրեն մեզ դրկած եւ տեղս գտնուած իւր ապրանքներէն եւ ապա  
մնացեալ ապրանագ համար կարգադրութիւն լինի՝ դեռ կան շատ պարտքեր,  
որ[ոն]ք ամէնքն ալ ինձմէ պիտի պահանջուի:

Սպասելով Ձեր Սրբութեան կարուկ որոշման, մնամ որդիական խ[որին]  
յարգանօք՝

Սէք Գափամաճեան [ստորագրութիւն]  
*Մակազրութիւններ*՝ «Որոշումը ես չեմ տուած, այլ ոստիկանապետի նախա-  
գահութեամբ կազմուած խառն խորհրդակցութիւնը, որին մասնակցում էին  
հայ կոմիտէի, քաղաքային վարչութեան եւ 8 անձեայ կոմիսսիայի<sup>102</sup> անդամ-  
ները:

Յանձնում եմ Տրապիզոնի հայ կոմիտէտին:

Մ[երոյ] ա[ւագ] ք[ահանայ] Մելեան (*ստորագրութիւն*)»

Է<sup>103</sup>.

**Ա. Տէր Առաքելեանի Նամակը Տրապիզոնի Հայկական Կոմիտէին Գ.  
Վարդեանեան-Մարութեանի Մահուան Վերաբերեալ Պաշտօնական  
Գրութիւն Ուղարկելու Մասին**

16 Յունիսի 1916 թ. Սոչի

Տրապիզոնի Հայկական Կոմիտէին

Շուրջ մի ամիս է, որ Ձեզ ուղարկել էի մի նամակ եւ խնդրել էի, որ պատասխանէք ըստ կարելոյն շուտ, որովհետև գործը ստիպողական է: Եթէ նամակը չէք ստացել, կրկնում եմ բովանդակութիւնը, իսկ եթէ ստացել էք, խնդրում եմ փութացէք ուղարկել պահանջուած գրութիւնը:

Գործը հետեւեալն է: Տեղիցս Գալուստ Վարդեանեան Սորումաթեանը պատերազմից առաջ իր եղբօր հետ եկել էր Տրապիզոնի իր հայրենի Սկաֆիա գիւղը: Հայկական սարսափների ժամանակ, ինչպէս լսում է, նա էլ սպանուեց: Տեղումս յիշեալ Գալուստը ունի կին եւ երեխաներ, որոնք մնացել են անմխիթար դրութեան մէջ: Բանքայում ունի մի քանի հարիւր ռուբլի, սակայն նրա ընտանիքին չեն տալիս այդ փողը մինչեւ որ Գալուստի սպանուած կամ մեռած լինելը չհաստատուի քահանայից եւ տեղական կոմիտէից վաւերացուած փաստաթղթով, ուստի խնդրում եմ Ձեզ մասնաւորապէս, որ տեղեկանալով նրա մահուան մասին ուղարկէք պահանջուած փաստաթուղթը:

Մահուան վաւերացրած թուղթը կ'ուղարկէք Սոչիի տեղական կոմիտէին կամ ինձ:

Վերջացնելով գրութիւնս, մնամ յարգանքօք՝ Անդրեաս Ա. Առաքելեան  
(ստորագրութիւն)

*Մակազրութիւն՝ «Պատասխանուած է՝ N 232 և 4 Յունիս 1916 նամակով»:*

Ը<sup>104</sup>.

**Հ. Ղ. Փալանճեանի Խնդրանքը Հայկական Կոմիտէին՝ Եղբօր  
Հաստատութեան Մէջ Եղած Ապրանքը Պահպանելու Մասին**

19 Դեկտեմբերի 1916 թ. Երզնկա

Յարգելի Տեարք

Տեղական] Հայկական Քոմիթէ

Տրապիզոն

Թերեւս իմացած էք ողջ մնալս, շատոնց կը փափագէի հոտ գալ մեր գործերու համար, սակայն ալ աւելի կարեւոր գործերու պատճառաւ սպասեցի:

Ստացածս տեղեկութեանք, եղբայրս Պրն. Յակոբի գացան օսմանեան] կառավարութեան կնիքովն կը մնայ կարգ մը ուրիշ բաներով կաթոլիկներու առաջնորդարանին մէջ, մօտ ատենէ ես ինքս հոտ գալու մտադիր լինելուս, կը խնդրեմ Ձեզմէ, որ նոյն հսկողութիւնը ընէք ապահով մնալու եւ չբացուելու համար մինչ իմ գալս:

Յարգանքներ՝ Յովհ. Ղ. Փալանճեան (ստորագրութիւն)

Յ. Գ. Ներփակ նամակն իր հասցէին հաճիք հասցնել:

Թ<sup>105</sup>.

Ամենայն Հայոց Կաթողիկոսի Տրապիզոնի Ներկայացուցիչ Մեսրոպ Ա. Քինյ.  
Մելեանի Գրութիւնը Հայկական Կոմիտէի Նախագահ Ա. Առաքելեանին  
Ներկայացուցիչ Ուղարկել Փախստականներին Օգնող Յանձնաժողովում  
Մասնակցելու Մասին

[դրոշմ]

ՆԵՐԿԱՅԱՅՈՒՑԻՉ ՀՈԳԵՒՈՐ

ԻՇԽԱՆՈՒԹԵԱՆ ՀԱՅՈՑ

ՏՐԱՊԻԶՈՆԻ

N 39

12 Յունուարի 1917 թ. Տրապիզոն

Տրապիզոնի Հայկական Կոմիտէի Նախագահ

Մեծ[արգոյ] Նախագահ Պ. Արշակ Առաքելեանին

Տեղույս Յունաց Միտրոպոլիտի նախագահութեամբ, ինչպէս հաղորդեց  
ինքը, կազմուած է յատուկ խորհրդակցութիւն փախստականների ու պատե-  
րազմից վնասուածների վիճակը բարուօքելու նպատակով: Այդ խորհրդակ-  
ցութեանը մեր կողմից մասնակցելու ու մեր փախստականների մասին պարտ  
ու պատշաճը հոգալու համար առաջարկում եմ Ձեզ լինել այնտեղ ներկայա-  
ցուցիչ, իսկ եթէ ռեւէ պատճառով չէք կարող, հաճեցէք յանձնել այդ պաշտո-  
նը Կոմիտէիդ փոխ-նախագահ պ. Սիիրդատ Էմերեանին:

Ներկայացուցիչ Ս[եսրոպ] ա[ւագ] ք[ահանայ] Մելեան

(ստորագրութիւն)

Ժ<sup>106</sup>.

Տրապիզոնում Ամենայն Հայոց Կաթողիկոսի Ներկայացուցիչ Մեսրոպ Ա.  
Քինյ.ի Գրութիւնը Տրապիզոնի Հայկական Կոմիտէին Փոխանցուած  
Գումարը Ստանալու Մասին

N 53

17 Փետրուարի 1917 թ. Տրապիզոն

ՏՐԱՊԻԶՈՆԻ ՀԱՅՈՑ ՀՈԳԵՒՈՐ ԻՇԽԱՆՈՒԹԻՒՆ

Ստացայ Տրապիզոնի Հայկական Կոմիտէից ի հաշիւ ազգային եկեղե-  
ցապատկան կալուածների ստացած 295 թուրքու եւ սրանից եկեղեցու բակի  
պատի վրայ ծախսուած 140 թուրքու հաշուեյարդարից մնացած գումարը մի  
հարիւր յիսուն եւ հինգ թուրքի:

Ներկայացուցիչ [Կաթողիկոսի]՝ Ս[եսրոպ] ա[ւագ] ք[ահանայ] Մելեան

(ստորագրութիւն)

ԺԱ<sup>107</sup>.

Պ. Գարաքեհեայեանի Դիմումը Տրապիզոնի Հայկական Կոմիտէին  
Թոյլատրելու Որբանոցում Գտնուող Դատերը Իրեն Յանձնելու Մասին

12 Յունուարի 1917 թ. Տրապիզոն

Հայկական Կոմիտէի Յարգելի Լիագորին

Քաղաքների Միութեան Տրապիզոնի որբանոցում գտնուում է իմ աղջիկը՝  
Մաքրուիի Պետրոսեան Գարաքեհեայեանը (5) հինգ տարեկան: Բայց որբա-  
նոցում կոչում են Գոհարիկ, չգիտնալով իսկական անունը:

Այժմ տեսնելով նրան ճանաչեցի, որով խնդրում եմ հարկ եղածը տնօրի-  
նել ստանալու համար իմ երեխան:

Պետրոս Գարաքեհեայեան (ստորագրութիւն)

Մակագրութիւն՝ «Կը հաստատենք, որ յիշեալ Մաքրուիի Գարաքեհեայեանը  
Պետրոս Գարաքեհեայեանի աղջիկն է:

Անիֆա գիտի մոխթար՝ Յակոբ Գարաբեհեայեան (ստորագրուածիւն)  
Պ. Օտապաշեան (ստորագրուածիւն)»:

ԺԲ<sup>108</sup>.

**Ստացազիր Ստացուած Շաքարի Մասին**

28 Մարտի 1917 թ. Տրապիզոն

Գաղթականների եւ որբերի համար Տիրուհի Մելեանէ ստացած եմ 15 (պաշգա)<sup>109</sup> Յական ֆունտանոց շաքար:

Համբարձում Հեքիմեան (ստորագրուածիւն)

ԺԳ<sup>110</sup>.

**ՀՅԴ Տրապիզոնի Կոմիտէի Խնդրանքը Հայկական Կոմիտէին  
Փոխարինարար 150 Ռուբլի Տալու Մասին**

N 3

13 Ապրիլի 1917 թ. Տրապիզոն

Տրապիզոնի Հայկական Կոմիտէին

Մրանով խնդրում ենք Տրապիզոնի ՀՅԴ Կուսակցութեան փոխարինարար տալ (150) մի հարիւր յիսուն ռուբլի:

Նախագահ՝ Ս. Ճաղարեան (ստորագրուածիւն)

Քարտուղար՝ Բժ. Ե. Ղազարեան (ստորագրուածիւն)

ԺԴ<sup>111</sup>.

**Օրաուէն Եկող Գաղթականներու Անունները**

25 Յունիսի 1917 թ. [Տրապիզոն]

1. Հրանդ Յարութիւն Կիրիւնեան	25	տ[ա]ր[ե]կ[ան]	Օրտու քաղաք
2. Նուպար Գեղոց Չիքճեան	16	-,-,-	-,-,-
3. Պարոյր Սիրաք Երբեան	16	-,-,-	-,-,-
4. Սիրանոյշ Գրիգոր Ծգնատրեան	25	-,-,-	-,-,-
5. Տիգրանուհի Խաչիկ Մազմանեան	25	-,-,-	-,-,-
6. Գեղուհի Խաչիկ Կէքեմեան	15	-,-,-	-,-,-
7. Պերճուհի	-,-,-	-,-,-	17 -,-,-
8. Արփիմէ	-,-,-	-,-,-	17 -,-,-
9. Վարդուհի Համբարձում Շեքիկեան	14	-,-,-	-,-,-
10. Սիրան Մեպուհ Ծգնատրեան	7	-,-,-	-,-,-
11. Արամ	-,-,-	-,-,-	6 -,-,-
12. Սիրանոյշ Մարգար Մերճեան	18	-,-,-	-,-,-
13. Չարուհի Յովակիմ Յովակ[իմ]եան	18	-,-,-	Տրապիզոն -,-,-
14. Հրանդ Արսէն Հապետցի	6	-,-,-	Օրտու -,-,-

ԺԵ<sup>112</sup>.

**Երգնկայէն Եկող Գաղթականներ**

16 Յունիսի 1917 թ. [Տրապիզոն]

1. Սրբուհի Խաչատուր Թոփալեան	27	տ[ա]ր[ե]կ[ան]	Թոփայլի գիւղ
2. Կարապետ Մեղրակ	-,-,-	6	-,-,-
3. Իւղարեր Յարութիւն	-,-,-	27	-,-,-
4. Անդրանիկ Սիսակ	-,-,-	4	-,-,-
5. Մարիամ Առաքելեան	21	-,-,-	(հօր անուն Կարապետ), Սիւրմենէ
6. Էլմաս Յարութիւն Տիգրանեան	26	-,-,-	Կրոմիլ Արտասայի գեղէն ազատուող
7. Խորեն Մարտիրոս Պրօշեան	14	տ[ա]ր[ե]կ[ան]	Շէյրանցի

ԺԶ<sup>113</sup>.

**Սուխումի Տրապիզոնցիների Լիազոր Նախագահի Գրութիւնը Տրապիզոնի  
Հայկական Կոմիտէին՝ Գաղթականներին Իրենց Բնակավայրերը  
Վերադարձնելու Մասին**

5 Մարտի 1917 թ. Սուխում

Հայկական Կոմիտէին եւ Բարեգործական Ընկերութեան

Յայտնի է, որ Տրապիզոնում եւ մանաւանդ գիւղերում բնաջնջուած հայ ընտանիքների անդամներից կէս մասը (որդի, եղբայր, հայր եւ այլն) գտնուում է ռուսական Սեւծովափնեայ Խրիմի եւ Կուբանեան շրջաններում, որոնք սկզբից ի վեր շատ սերտ կապ պահպանած են ծննդավայրում մնացածների հետ, նիւթապէս աջակցել են տների շինութեան, դպրոցների բացման, տուրքերի վճարման եւ երբ հնարատր եղել է՝ փոխադարձաբար եկել գնացել էին:

Այժմ շատ կենսական հարց է ծագել՝ գալ՝ տիրանալ իրենց սեփական հողերին, վար ու ցանք անել, իրանց կաղինի այգիները կարգի բերել, բերքը հաւաքել եւ փչացումից ու գրաւումից ազատել միլիոններ արժեցող այդ անշարժ կայքերը: Դժբախտաբար մինչեւ այժմ պաշտօնապէս չարտօնուեց բուն տրապիզոնցի հայերի երկիր ազատ մուտքը, իսկ Տրապիզոնում գործող ազգ[ային] մարմինները ոչ մի լուրջ ձեռնարկ չարին սերտ կապ ստեղծելու դուրսը գտնուող տասնեակ հազարատր տրապիզոնցիների հետ եւ ոչ մի տեղեկութիւն չտուին դրսեցիներին շահագրգռող խնդիրների մասին, որոնք կարծում են աւելի յաջող լուծում կը ստանայ կամ դեռ կը ստանան, եթէ ցանկալի կապը պահպանուի նրանց մէջ:

Այդ նպատակով Սուխումի, Սոչիի եւ Ադլերի շրջանի տրապիզոնցիներ (շուտով կը միանան միւս շրջաններն էլ) խորհրդակցութիւններ ունեցան եւ արդէն ընտրեցին լիազոր յանձնաժողով մը Սուխումում, որ կապ պէտք է պահպանի դրսի տրապիզոնցիների եւ Տրապիզոնում գործող մարմինների հետ, ի հարկին աջակցելով բարոյապէս եւ նիւթապէս այդ մասին հաղորդելով ձեզ, խնդրում ենք մեզ տեղեկացնել:

1. Մինչեւ օրս ի՞նչ գործողութիւններ կատարուել են թէ քաղաքի եւ թէ գիւղերի կալուածների սեփականութիւնը հաստատելու համար հայերի վրայ:

2. Այդ գործողութիւնները ո՞վ կատարել է, կառավարութիւնը, թէ՞ ազգ[ային] մարմինները:

3. Եթէ Կոմիտէն կատարել է կառավարութիւնը սանկցիա<sup>114</sup> տուե՞լ է եւ ցուցակները յանձնուե՞լ են կառավարութիւն:

5. Կոմիտէն եւ Կ.Հ.Բ. Ընկեր[ութեան] ճիւղը ի՞նչ է մտածում կառավարական այն կարգադրութեան մասին, որ որոշ ժամանակամիջոցէ դրան [տրամադրի] ամայի հողերի մշակման համար, հակառակ պարագայում, սպառնալով իր կողմից անել տալ վարուցանքը եւ արդեօք դրանով չի՞ խախտում սեփականութեան իրաւունքը եւ ապագայ թիրիմացութիւնների պատճառ դառնայ:

6. Գրաւած վայրերում սեփականութեան իրաւունք հաստատելը (քանի որ կալուածաթղթերը փչացել են) մեծ մասամբ կախում ունենալով հողատիրոջ ներկայութիւնից, ազգ[ային] մարմիններդ ի՞նչ էք ծրագրում գէթ մասնակի կերպով թոյտութիւն ձեռք բերելու այնպիսի գիւղացիների համար, որոնց գիւղերը հացի նշոյլ չկայ եւ ուրեմն ամենաշատ ենթակայ են կորստի:

7. Ազգ[ային] մարմինները չե՞ն մտածում կազմակերպել արդեօք աշխատատրական խմբեր այդտեղի անգործ մնացած երկրագործներից, որոնք կը կարողանային հսկայ արդիւնք բերել եւ իրանց ապրուստը հոգալուց յետոյ՝ խոշոր բաժին մը ձգել ազգ[ային] հաստատութիւններին:

Այս հարցերի մասին կրկին խնդրում ենք չզլանալ որոշակի տեղեկացնել մեզ, վստահ լինելով, որ փոխադարձ աջակցութեամբ կարելի է շատ դժուարութիւններ հարթել եւ ամէն շրջանից շատ եւ արագ վերաշինել Տրապիզոնը, որովհետեւ դրսիները մեծ մասամբ հնարատրութիւն ունեն ամէն նիւթական զոհողութեան ընդառաջ գնալու:

Չմոռանանք ատելացնել, որ յանձնաժողովի անդամները Տրապիզոնի գերիների մասին դեռ Չեր կոչը չստացուած արդէն ձեռնարկել էին գործի եւ այժմ տեղական կոմիտէի հետ միասին շուտով կը ձեռնարկէ հանգանակութեան եւ յոյս ունի, որ զգալի արդիւնք ձեռք պիտի բերէ:

Յարգանքներով՝ Տրապիզոնցիների Սովխումի լիազօր նախագահ՝

Գ. Յովսէփեան (*ստորագրութիւն*)

Քարտուղար՝ Արմէն (*ազգանունն ընթերցելի չէ - Ռ.Ս*)

Հասցէ՝ Sukhumi, Podgornaya, Dacha Lamakina, Armjanskiy priyut,

K. Ovsepian<sup>115</sup>

ԺԷ<sup>116</sup>.

Տրապիզոնի Հայկական Կոմիտէի Վերաքննիչ Մարմնի Անդամ Ա.

Կոթիկեանի Դիմումը Կոմիտէին Իր Չբաղեցրած Պաշտօնից Հրաժարուելու Մասին

28 Մարտի 1917 թ. Տրապիզոն

Հրաժարագիր Ուղղուած Տրապիզոնի Հայկական Կոմիտէին

Քաղաքիս մէջ այսուհետեւ մշտական չի մնալուս պատճառաւ, չպիտի կրնամ ծառայել «կոմիտէի վերաքննիչ մարմնի» մէջ, հետեւաբար ներկայիս կու տամ հրաժարականս:

Յարգանքներովս՝ Ա. Կոթիկեան<sup>117</sup> (*ստորագրութիւն*)

ԺԸ<sup>118</sup>.

Հաշուետուութիւն Արուած Ծախսերի Մասին

Armyanskiy Komitet V Trapezunde

ՀԱՅԿԱԿԱՆ ԿՈՄԻՏԷ

ՏՐԱՊԻԶՈՆԻ

23 Ապրիլի 1917 թ. Տրապիզոն

Վճարուած է Արշալիր Էլեանի Երզնկայէն 16 հայ-գաղթականներ Տրապիզոն փոխադրելու երկու ֆուրկոնի<sup>119</sup> եւ ուտեստի համար հարիւր քառասուն մէկ ռ[ու]բ[լի] (141, 70 կ[ոպ]էկ) եօթանասուն կոպէկ:

Ստացայ՝ Ա. Էլեան (*ստորագրութիւն*)

Ա. Առաքելեան (*ստորագրութիւն*)

ԺԹ<sup>120</sup>.

Մեսրոպ Ա. Քինյ. Մելեանի Գրութիւնը Հայկական Կոմիտէին

Անդրկովկասեան Յատուկ Կոմիտէի Կողմից «Ռեժի» Ընկերութեան

Պահեստում Գտնուող Եւ Հայերին Պատկանող Ծխախոտը Իրեն Յանձնելու Մասին

ՆԵՐԿԱՅԱՑՈՒՑԻՉ ՎԵՎՓԱՌ ԿԱԹՈՂԻԿՈՍԻ

ԱՄԵՆԱՅՆ ՀԱՅՈՑ

Տրապիզոնի Հայկական Կոմիտեին

Կովկասի Յատուկ Կոմիտեն իր գրութեամբ յանուն տեղույդ «Ռեժ»ի Ընկերութեան, ի 10 Հոկտեմբեր ամսոյս N 10319, հաստատում է իր արած որոշումը հայապատկան ծխախոտը ազգի Վեհափառ Կաթողիկոսի ներկայացուցչին յանձնելու վերաբերման մասին: Ուստի ներփակ դնելով սոյն թուղթը, առաջարկում են յղել այն «Ռեժ»ի Ընկերութեան ու ի լրումն իմ գրութեան առ նոյն ընկերութեան յ 8ն Օգոստ[ոսի] տարույն N 216 եւ խնդրել նրա պարտ ու պատշաճ կարգադրութիւնը:

Ներկայացուցիչ [Կաթողիկոսի]՝ Մ[եսրոպ] ա[ւագ] ք[ահանա] Մելեան  
(ստորագրութիւն)

Ի<sup>121</sup>.

**Կարինի Հայ Գաղթականների Կոմիտեի Գրութիւնը Մեսրոպ Ա. Քինյ. Մելեանին՝ Բռնագաղթուած 60 Տրապիզոնցի Հայերին Պ. Օտապաշեանի Ուղեկցութեամբ Տրապիզոն Տեղափոխելու Եւ Ծախսուած Գումարը Փոխանցելու Մասին**

[դրոշմ]

Erzerumskiy Komitet Po Prejreniyu Armyan Bejentsev

Կարնոյ Հայ Փախստականների Կոմիտե

17 Հոկտեմբերի 1916 թ. Էրզրում

Գերապատիւ Տէր Մեսրոպ Աւագ ք[ա]հ[ա]ն[ա] Մելեան

Տեղս գտնուած 60 տրապիզոնցիները, որոնք եկել են Երզնկայից, այս անգամ Տրապիզոնի հայրենակիցներու խնդրանքին վրայ, բոլորն էլ յանձնեցինք Պրն. Պետրոս Օտապաշեանին:

Գաղթականներու փոխադրութեան հ[ա]մ[ա]ր առհաշիւ յիշեալ Օտապաշեանին վճարեցինք (300) երեք հարիւր ռուբլի, որ պիտի գանձի այդտեղ գտնուած իրենց հայրենակիցներից:

Ուստի պիտի խնդրէինք Ձեզանէ, որ հետամուտ լինէիք ու վերոյիշեալ գումարը գանձելով, յարմար առթիւ մեզ փոխադրէիք:

Կը յայտնենք մեր շնորհակալութիւնները:

Մնամք յարգանօք՝ ի դիմաց Կարնոյ Հայկ[ական] Կոմիտեին՝  
Գ. Թէրզեան (ստորագրութիւն)

*Կնիք* [«Կարնոյ Հայ Փախստականների Կոմիտե – Erzerumskiy Komitet Po Prejreniyu Armyan Bejentsev

ԻԱ<sup>122</sup>.

**Տրապիզոնում Ամենայն Հայոց Կաթողիկոսի Ներկայացուցիչ Մեսրոպ Ա. Քինյ.ի Գրութիւնը Տրապիզոնի Հայկական Կոմիտեին Լքեալ Գոյքի Վերաբերեալ Կովկասեան Յատուկ Կոմիտեի<sup>123</sup> Կողմից Արուած Պարգաբանման**

N 438

20 Հոկտեմբերի 1917 թ. Տրապիզոն

Տրապիզոնի Հայկական Կոմիտեին

Կովկասեան Յատուկ Կոմիտեն, Հոկտեմբերի 2ի N 427 իմ հարցումին, գրութեամբ 12 Հոկտեմբերի] N 10492, տալիս է ինձ յետագայ պատասխանը. «Այսու հաստատած են, որ բոլոր զինուորական, թէ քաղաքացիական անձերն ու հաստատութիւնները պարտաւոր են ըստ պատշաճաւոր գնահատու-

քեան վճարելու սպանուած կամ անյայտ կորած հայերին պատկանող շարժական ու անշարժ գրաւած ստացուածքների համար եւ վճարը պէտք է հատուցուի Չեզ՝ իբրեւ ամենայն հայոց կաթողիկոսի ներկայացուցչի կամ Տրապիզոնի Հայկական Կոմիտէին»:

Յղելով ընդ այսմ յիշեալ գրութեան պատճենը, առաջարկում եմ միջոցներ ձեռնարկել դիմելու ուր որ անկ է ու ձեռք բերելու մեզ հասանելիք գումարները: Ի տեղեկութիւն հաղորդում եմ, որ նոյն իմաստով եւ դիմած եմ՝ ա. Ռեժիսի Ընկերութեան տեսչին՝ տարուոյս Օգոստոսին] N 216 գրութեամբ, ք. քաղաքային ինքնավարութեան՝ Օգոստոսի] 8ի N 218, գ. Տրապիզոնի թեկուեզից[իոն] կոմիսիային<sup>124</sup> 9 Օգոստոսի] N 927 եւ դ. Տրապիզոնի] ամրոցային շրջանապետին՝ 9 Օգոստոսի] N 224 գրութեամբ: Ուղարկած եմ նրանց Կովկասեան] Կոմիտէի] N 5567 վկայականի վաւերացուած պատճենները, որից մի օրինակ դնում եմ սրա հետ (*նշուած օրինակը բացակայում է - Ռ.Ս.*):

Ներկայացուցիչ Կաթողիկոսի՝ Ս[եւրոպ] ա[ւագ] ք[ահանա] Մելեան  
(ստորագրուած թիւն)

ԻԲ<sup>125</sup>.

Մեւրոպ Ա. Քինյի Գրութիւնը Տրապիզոնի Հայկական Կոմիտէին  
Անդրկովկասեան Յատուկ Կոմիտէի Հրամանը Տրապիզոնում Ամենայն  
Հայոց Կաթողիկոսի Ներկայացուցչի Կողմից Տրուած Վկայականները  
Տրապիզոնի Եւ Բաթումի Խորհուրդների Կողմից Ճանաչելու Մասին

ՆԵՐԿԱՅԱՑՈՒՑԻՉ ՎԵՀԱՓԱՌ  
ԿԱԹՈՂԻԿՈՍԻ ԱՄԵՆԱՅՆ ՀԱՅՈՑ

N 439

20 Հոկտեմբերի 1917 թ. Տփղիս

Տրապիզոնի Հայկական Կոմիտէին

Հաղորդում եմ ի գիտութիւն Կոմիտէիդ, որ Կովկասեան Յատուկ Կոմիտէն, յարգելով ամսոյս 2ի N 426, իմ միջնորդութիւնը, հրամանագրով յանուն Տրապիզոնի եւ Բաթումի զինուորական, բանուորական ու շինարարական ներկայացուցիչների խորհրդի գործադիր Կոմիտէների – ի 11 Հոկտեմբերի NN 10447 ու 10448, կարգադրում է ճանաչել իմ կողմից տրուած վկայականները հաւասարագօր զեմստուօների<sup>126</sup>, Քաղաքների Միութեան, Չեմգօրի<sup>127</sup> եւն. հաստատութիւնների կողմից տրուած վկայականներին, ուստի եւ անարգել թոյլ տալ Տրապիզոն մտնելու եւ ելնելու այն պաշտօնական անձանց, որոնք ծառայելու կը լինեն Հայկական Կոմիտէի, Բարեգործական Ընկերութեան, Եղբայրական Օգնութեան, Եկեղեցական Շինութեան Վարչութիւնների մէջ:

Ներկայացուցիչ Կաթողիկոսի՝ Ս[եւրոպ] ա[ւագ] ք[ահանա] Մելեան  
(ստորագրուած թիւն)

ԻԳ<sup>128</sup>.

Տրապիզոնի Հայկական Կոմիտէի Կազմած Աշխատավարձի Ցուցակը

Armyanskiy Komitet Ve Trapezunde  
Հայկական Կոմիտէ  
Տրապիզոնի

N 626

31 Հոկտեմբերի 1917 թ. Տրապիզոն

Կոմիտէի պաշտօնեաներու ռոճիկի պահանջքին կը գրուի հետեւեալ կերպով

Պրն. Ա. Առաքելեան 1917 Հոկտ[եմբերի] 25-31 ռոճիկ 7 օրուան 140 [ռուբլի]	
--,- Վ. Տատուրեան --,- Մեպտ. եւ Հոկտ. երկու ամսական 600 --,-	
--,- Ներսէս Դարթեան --,- Հոկտեմբեր ամսոյ ռոճիկ 200 --,-	
--,- Խաչիկ Այտինեան --,- --,- --,- --,- --,-	175 --,-
--,- Խոսրով Սարգիսեան --,- --,- --,- --,- --,-	125 --,-

ԻԳ<sup>129</sup>.

Ամենայն Հայոց Կաթողիկոսի Եւ Կովկասի Հայոց Բարեգործական  
Ընկերութեան Տրապիզոնի Ներկայացուցիչ Մեսրոպ Ա. Քինյի Գրութիւնը  
Տրապիզոնի Հայկական Կոմիտէին Վաճառուող Հագուստի Վերաբերեալ  
[դրոշմ]

ՆԵՐԿԱՅԱՑՈՒՑԻՉ ՀՈԳԵՒՈՐ

ԻՇԽԱՆՈՒԹԵԱՆ ՀԱՅՈՑ

ՏՐԱՊԻԶՈՆԻ

N 77

20 Դեկտեմբերի 1917 թ. Տրապիզոն

Տրապիզոնի Հայկական Կոմիտէին

Բանաւորապէս քանիցս խօսելուց յետոյ, այսու գամ կտրականապէս  
խնդրելու բնաւ աճուրդի չհանել Կոմիտէիդ իրաւասութեան տակ գտնուած  
մանուֆակտուրային այն գործուածքները, որոնք կարող են ճերմակեղէնի ու  
հագուստեղէնի համար պէտք գալ մեր որբերին՝ Կոմիտէդ այդպիսի ապ-  
րանքները կարող է վաճառել միմիայն բարեգործական ու այլ այնպիսի հաս-  
տատութիւնների վրայ, որոնք պարտք ու պաշտօն ունեն որբերին խնամելու  
ու այն ոչ աւելի քան թեկուեզիցիայի<sup>130</sup> նշանակած գնի կրկնակի արժէքը:

Ներկայացուցիչ նաեւ Կ[ովկասի] Հ[այոց] Բ[արեգործական] Ը[նկերութեան]  
Ս[մեսրոպ] ա[ւագ] ք[ահանայ] Մելեան [ստորագրութիւն]

#### ԾԱՆՕԹԱԳՐՈՒԹԻՒՆՆԵՐ

<sup>1</sup> Պատերազմի նախօրեակին Վիլայէթում բնակուած էին մօտ մէկ միլիոն մահմեդա-  
կան թուրքեր, քրդեր, լազեր եւ այլք, մօտ 250,000 յոյներ եւ 60,000 հայեր (V. Dadrian,  
*Genotsid Arman: Soderjaniye Prestupleniya* (Հայերի Ցեղասպանութիւնը.  
յանցագործութեան բովանդակութիւնը), Երեւան, Նահապետ, 2005, էջ 19): Իսկ ըստ  
Կովկասեան Բանակի Հակահետախուզական Բաժանմունքի (ԿԲՀԲ) աշխա-  
տակից, ենթասպայ Տ. Գետյեանի՝ 120,000 հայեր (*Armianski Vestnik* No 43-44, 5  
Նոյեմբեր 1917, էջ 9): Տրապիզոն քաղաքի հայ բնակչութեան թիւը եղել է 16000 (Հա-  
յաստանի Ազգային Արխիւ (ՀԱԱ), ֆոնդ 57, ցուցակ 5, գործ 155, թերթ 4):

<sup>2</sup> ՀԱԱ, ֆ. 57, ց. 2, գ. 1293, թ. 101:

<sup>3</sup> Նոյն:

<sup>4</sup> Նոյն:

<sup>5</sup> Նոյն, թ. 101 եւ շրջ.:

<sup>6</sup> ՀԱԱ, ֆ. 57, ց. 2, գ. 1293, թ. 101:

<sup>7</sup> Նոյն, թ. 112:

<sup>8</sup> Հոդիզոն, Թիֆլիս, N 51, 5 Մարտի 1916:

<sup>9</sup> ՀԱԱ, ֆ. 57, ց. 2, գ. 1293, թ. 112:

<sup>10</sup> Նոյն, թ. 101-102:

<sup>11</sup> Նոյն, թ. 112:

<sup>12</sup> Խոսրով բէկ Սուլթանովը մահմեդական քաղաքական գործիչ էր, մասնագիտու-  
թեամբ բժիշկ: Նա եւ իր երկու եղբայրները՝ Սուլթանը եւ Իսքանդարը, յայտնի էին  
հակահայ հայեացքներով: 1917 Նոյեմբերի 27ի ԿԲՀԲի կողմից կազմուած գեկու-

ցագրում Խոսրով բեկը յիշատակում է որպէս թուրքական հետախուզութեան լըրտես: Նրա գլխաւորած բարեգործական կազմակերպութիւնը լոյ ծածկոյթ էր ժուսական զինուժի մասին հետախուզական տեղեկութիւններ հաւաքելու համար (ՀԱԱ, ֆ. 1267, ց. 2, գ. 70, ք. 7): 1919 Յունուարի 16ին ադրբեջանական կառավարութիւնը Խոսրով բեկին նշանակում է Ղարաբաղի եւ Ջանգեզուրի ժամանակաւոր զօրավարնահանգապետ: Նա այդ պաշտօնը վարել է մինչեւ 1920 Մայիս: 1920 Մարտի 22ի լոյս 23ի գիշերը նա կազմակերպել է Շուշիի հայկական թաղամասի բնակչութեան զանգուածային ջարդը, որը խլեց աւելի քան 30000 հայի կեանքը: Բաքուում խորհրդային իշխանութիւն հաստատուելուց յետոյ, Խոսրով բեկն իրեն յայտարարել է «Ղարաբաղի Յեղկոմի Նախագահ», սակայն խորհրդային իշխանութիւնների կողմից ձերբակալուել, ապա Ադրբեջանի Յեղկոմի Նախագահ Նարինան Նարինանովի միջնորդութեամբ ազատուել եւ հեռացել է Պարսկաստան:

<sup>13</sup> ՀԱԱ, ֆ. 57, ց. 2, գ. 1293, ք. 112 շրջ.:

<sup>14</sup> Նոյն, ք. 102:

<sup>15</sup> Համբաւաբեր, Թիֆլիս, N 11, 6 Մարտի 1916, էջ 333-334:

<sup>16</sup> Նոյն, N 12, 6 Մարտի 1916, էջ 369:

<sup>17</sup> Հայերի Յեղասպանութիւնը Օսմանեան Կայսրութիւնում: Փաստաթղթերի եւ Նիւթերի Ժողովածու, կազմ.՝ Մ. Գ. Ներսիսեան, Ռ. Գ. Սահակեան, խմբ.՝ Գ. Ներսիսեան, Երեւան, Հայաստան, 1991, էջ 505:

<sup>18</sup> ՀԱԱ, ֆ. 57, ց. 5, գ. 30, ք. 54, 59:

<sup>19</sup> Ոստիկանական պաշտօն՝ Ռուսաստանում: Պրիստաւը բացի կարգուկանոնի, ոստիկանական պահակակէտերի հսկումից, հետախուզում էր յանցագործներին եւ.:

<sup>20</sup> Մշակ, Թիֆլիս, N 91, 8 Ապրիլի 1916:

<sup>21</sup> ՀԱԱ, ֆ. 57, ց. 5, գ. 155, ք. 3:

<sup>22</sup> Նոյն, ֆ. 968, ց. 1, գ. 7, ք. 80:

<sup>23</sup> ՀԱԱ, ֆ. 968, ց. 1, գ. 16, ք. 12:

<sup>24</sup> Արեւ, Բաքու, N 83, 20 Ապրիլի 1916:

<sup>25</sup> 1915 Յուլիսի 7ին Օսմանեան Կայսրութիւնում ԱՄՆի դեսպան Հենրի Մորզընթաուին ուղղուած հաղորդումում, Տրապիզոնի ամերիկեան հիւպատոս Օսկար Հայդէրը յայտնում է, որ հայերին արտաքսելուց յետոյ, 3000 հայ երեխաներ՝ աղջիկները մինչեւ 15, իսկ տղաները մինչեւ 10 տարեկան, իշխանութիւնները պահել են Տրապիզոնում կազմակերպուած որբանոցներում: Նշուած հաստատութիւնները տնօրինում էին թուրքերը, իսկ հսկում՝ ժանդարմները (*Genotsid Armian: Otvetstvennost Turtsii I Opiajatelstva Mirovogo Soobchestva, Dokumenti I Kommentariy, Red. I Sost. Professor Yuri Barseghov, Gardariki, W 2t, Vol. 1, (Հայերի Յեղասպանութիւնը. Թուրքիայի պատասխանատուութիւնը եւ համաշխարհային հասարակայնութեան պարտաւորութիւնները, խմբ. եւ կազմ.՝ պրոֆ. Եւրի Բարսեղով, 2 հատորով, Հտր. 1), Մոսկուա, Գարդարիկի, 2002, էջ 252:*

<sup>26</sup> ՀԱԱ, ֆ. 57, ց. 5, գ. 155, ք. 4 շրջ.:

<sup>27</sup> Նոյն, ք. 4:

<sup>28</sup> ՀԱԱ, ֆ. 968, ց. 1, գ. 7, ք. 5 շրջ.:

<sup>29</sup> Նոյն, ց. 1, գ. 16, ք. 5 շրջ.:

<sup>30</sup> Հորիզոն, N 84, 19 Ապրիլի 1916:

<sup>31</sup> ՀԱԱ, ֆ. 654, ց. 4, գ. 12, ք. 56:

<sup>32</sup> Համբաւաբեր, N 15, 29 Մարտի 1916, էջ 634:

<sup>33</sup> Համբաւաբեր, N 21, 22 Մայիսի 1916, էջ 657:

<sup>34</sup> Նոյն:

<sup>35</sup> ՀԱԱ, ֆ. 968, ց. 1, գ. 16, ք. 1 շրջ.-21:

<sup>36</sup> Համբաւաբեր, N 29, 17 Յուլիսի 1916, էջ 917:

<sup>37</sup> Նոյն:

- <sup>38</sup> ՀԱԱ, ֆ. 968, ց. 1, գ. 22, ք. 32, 77:
- <sup>39</sup> *Համբաւաբեր*, N 29, 17 Յուլիսի 1916, էջ 917:
- <sup>40</sup> ՀԱԱ, ֆ. 654, ց. 4, գ. 12, ք. 56:
- <sup>41</sup> ՀԱԱ, ֆ. 968, ց. 1, գ. 7, ք. 42:
- <sup>42</sup> ՀԱԱ, ֆ. 968, ց. 1, գ. 7, ք. 5 շրջ.-6:
- <sup>43</sup> *Համբաւաբեր*, N 41, 9 Հոկտեմբերի 1916, էջ 1291:
- <sup>44</sup> ՀԱԱ, ֆ. 968, ց. 1, գ. 17, ք. 1-28:
- <sup>45</sup> ՀՀ ԳԱԱ Պատմութեան Ինստիտուտի Արխիւ, Լեռնի Ֆոնդ, ֆոնդ 1, ց. 1, գ. 225, ք. 8:
- <sup>46</sup> Նոյն, ք. 12-13;
- <sup>47</sup> Լատիներէն՝ *diversio*, որը նշանակում է շեղել: Այն նպատակ ունի հակառակորդի քիչունքում շարքից հանել ռազմական, արդիւնաբերական եւ այլ կարեւորագոյն նշանակութիւն ունեցող կէտերը՝ հաղորդակցութեան ուղիները, կապի միջոցները, զէնքի, զինամթերքի եւ պարէնի պահեստները եւն.:
- <sup>48</sup> *Boevaya Letopis Russkogo Flota*, (Ռուսական նաւատորմի մարտական տարեգրութիւնը), Մոսկուա, 1948, էջ 418; *Flot Ve Pervoy Mirovoy Voyne, Tom 1*, (Սաւատորմը Առաջին Համաշխարհային Պատերազմում, Հտր. 1), Մոսկուա, Վոյենիզատաք, 1964, էջ 483; *Istoriya Pervoy Mirovoy Voyni. 1914-1918, Ve Dvukh Tomakh, Tom 2* (Առաջին Համաշխարհային Պատերազմի պատմութիւնը. 1914-1918 երկու հատորով, Հտր. 2), Մոսկուա, Վոյենիզատաք, 1975, էջ 278:
- <sup>49</sup> ՀԱԱ, ֆ. 968, ց. 1, գ. 7, ք. 5:
- <sup>50</sup> *Հաւն-Տոսս*, N50, 6 Նոյեմբերի 1916, էջ 15:
- <sup>51</sup> ՀԱԱ, ֆ. 968, ց. 1, գ. 29, ք. 4:
- <sup>52</sup> Նոյն, ք. 13 եւ շրջ.:
- <sup>53</sup> Նոյն, ք. 7:
- <sup>54</sup> ՀԱԱ, ֆ. 968, ց. 1, գ. 21, ք. 2-3:
- <sup>55</sup> Նոյն, ց. 1, գ. 26, ք. 16-17:
- <sup>56</sup> Նոյն, ց. 1, գ. 7, ք. 80 եւ շրջ.:
- <sup>57</sup> Նոյն, ց. 1, գ. 26, ք. 61:
- <sup>58</sup> Նոյն, ֆ. 654, ց. 4, գ. 12, ք. 57:
- <sup>59</sup> *Trapezundskiy Voyenny Listok*, No 2, 8 Յունուար 1917, էջ 15:
- <sup>60</sup> *Աշխատանք*, Երեւան, N 47, 28 Հոկտեմբերի 1917:
- <sup>61</sup> Նոյն, ֆ. 57, ց. 2, գ. 1328, ք. 3:
- <sup>62</sup> Նոյն, ֆ. 968, ց. 1, գ. 10, ք. 26:
- <sup>63</sup> Նոյն, ց. 1, գ. 10, ք. 32:
- <sup>64</sup> Նոյն, ց. 1, գ. 10, ք. 81:
- <sup>65</sup> Նոյն, ց. 1, գ. 10, ք. 16:
- <sup>66</sup> Նոյն, ց. 1, գ. 10, ք. 51:
- <sup>67</sup> Նոյն, ց. 1, գ. 25, 1-, 8, գ. 19, ք. 9
- <sup>68</sup> Նոյն, ց. 1, գ. 14, ք. 10:
- <sup>69</sup> Նոյն, ց. 1, գ. 14, ք. 18:
- <sup>70</sup> Նոյն, ց. 1, գ. 10, ք. 11:
- <sup>71</sup> Նոյն, ց. 1, գ. 22, ք. 4:
- <sup>72</sup> Նոյն, ց. 1, գ. 28, ք. 205:
- <sup>73</sup> Նոյն, ց. 1, գ. 27, ք. 44:
- <sup>74</sup> Նոյն, ց. 1, գ. 10, ք. 52:
- <sup>75</sup> Նոյն, ֆ. 654, ց. 4, գ. 4, ք. 82:
- <sup>76</sup> *Համբաւաբեր*, N 47, 20 Նոյեմբերի 1916, էջ 1502. նաեւ՝ ՀԱԱ, ֆ. 968, ց. 1, գ. 11, ք. 11 եւ շրջ.:
- <sup>77</sup> ՀԱԱ, ֆ. 28, ց. 1, գ. 195, ք. 2:
- <sup>78</sup> Նոյն, ֆ. 968, ց. 1, գ. 30, ք. 119:

- <sup>79</sup> Նոյն, ֆ. 1457, ց. 2, գ. 5, ք. 64:
- <sup>80</sup> Նոյն, ֆ. 968, ց. 1, գ. 30, ք. 2:
- <sup>81</sup> Նոյն, ց. 1, գ. 11, ք. 42:
- <sup>82</sup> Նոյն, ք. 55:
- <sup>83</sup> Նոյն, ք. 57:
- <sup>84</sup> Նոյն, ֆ. 1168, ց. 1, գ. 320, ք. 81:
- <sup>85</sup> Նոյն, ֆ. 968, ց. 1, գ. 11, ք. 58:
- <sup>86</sup> Օսմանեան Կայսրութեան պարտութիւնից յետոյ, կրկին հնարաւորութիւն ստեղծուեց վերսկսել հայութեան փրկութեան աշխատանքները: 1922 Մարտի սկզբի տեղեկութիւնների համաձայն, Տրապիզոնում կային 130 ընտանիք, 80 որբեր եւ 70 որբուհիներ: Նրանց կեցութեան հարցերը հոգացել է Ամերիկեան Նպաստամատոյցը: Վերջինս որբերի խնամքը յանձնում է Գարեգին վարդապետ Խաչատրեանին, սակայն շարունակելով մատակարարել պարէն եւ հագուստ: Սամսոնում ամերիկացիները խնամում էին 400 որբերի: Տրապիզոնի նահանգում իրադրութիւնը շարունակում էր մնալ սպառնալից. 1921ից մինչեւ 1922ի ձմեռ սպանուել են 17 հայ: Միաժամանակ իշխանութիւնները բռնութիւններ են գործադրել յոյների նկատմամբ. Քսանթալի շրջանի 6000 յոյներ աքսորուել եւ սպանուել են (*Ճակատամարտ*, Կ. Պոլիս, թիւ 2823, 2 Մարտի 1922):
- <sup>87</sup> *Համբարտեր*, 8 Մայիսի 1916, N 19, էջ 600-601:
- <sup>88</sup> Մեսրոպ առազ քահանայի կենսագրութեան մասին ունեցած տեղեկութիւնները խիստ աղքատիկ են: ՀԱԱում մեր պրպտումների ընթացքում յաջողուել է յայտնաբերել, որ նա 1913-1914ին եղել է Տրապիզոնի երկսեռ վարժարանների տեսուչ (ՀԱԱ, ֆ. 968, ց. 1, գ. 14, ք. 14):
- <sup>89</sup> ՀԱԱ, ֆ. 57, ց. 2, գ. 1293, ք. 112 եւ շրջ.: Բնագիրը՝ ձեռագիր:
- <sup>90</sup> Խօսքը Գեորգ Ե. Մուրեճեանց (Տփղիսեցի) կաթողիկոսի մասին է: Նա 1911-1930՝ եղել է Ամենայն Հայոց Կաթողիկոսը:
- <sup>91</sup> Մեսրոպ Մագիստրոս եպիսկոպոս (արքեպիսկոպոս) Տէր Մովսիսեան (1865-1939): 1913 Յունուարի 18ից մինչեւ 1916ի կէսերը Վրաստանի եւ Իմերէթի, ապա Ասորախանի Հայոց Թեմակալ առաջնորդն էր: 1917 Գեկտեմբերի 19ին հրաժարուել է Ասորախանի թեմակալի պաշտօնից եւ նշանակուել Էջմիածնի մատենադարապետ: 1919-1920 եղել է Հայաստանի Պետական Համալսարանի ղեկան եւ պրոֆեսոր: 1922 Հոկտեմբերի 28-1926 Ապրիլի 25՝ վարել է Պարսկա-Հնդկաստանի Հայոց Թեմի Առաջնորդի պաշտօնը: Իր պարտականութիւնների կատարմանը կարողացել է ձեռնամուխ լինել միայն 1926 Ապրիլի 25ին: 1924-1926 եւ 1931-1932ին եղել է Գերագոյն Հոգեւոր Խորհրդի գործօն անդամներից մէկը: 1932 Նոյեմբերին առաջադրուել է կաթողիկոսութեան թեկնածու, սակայն ընտրում է Խորեն Ա. Մուրադբեկեանը: Վերջինիս մահից (6 Ապրիլի 1938) հինգ ամիս անց՝ 1938 Օգոստոսի 17ին ներկայացրել է դիմում հոգեւոր կարգից հրաժարուելու մասին (Մուսաննա Նահապետեան, «Մեսրոպ Մագիստրոս Արքեպիսկոպոս Տէր-Մովսիսեան. Եկեղեցական Գործունէութեան Մի Քանի Փաստեր», *Բանբեր Հայաստանի Արխիւներ*, N 1, 2009, էջ 27-38):
- <sup>92</sup> ՀԱԱ, ֆ. 57, ց. 2, գ. 1293, ք. 101-102: Առաջինը պատճէն, երկրորդը՝ ձեռագիր:
- <sup>93</sup> ՀԱԱ, ֆ. 968, ց. 1, գ. 7, ք. 30-31: Բնագիրը՝ ձեռագիր:
- <sup>94</sup> Պարէնի Յանձնաժողովից:
- <sup>95</sup> Քաղաքապետարան:
- <sup>96</sup> ՀԱԱ, ֆ. 968, ց. 1, գ. 7, ք. 27: Բնագիրը՝ ձեռագիր:
- <sup>97</sup> Տրապիզոնի Հայկական Կոմիտէ:
- <sup>98</sup> Կովկասի Հայոց Բարեգործական Ընկերութիւնը (ԿՀԲԸ) հիմնուել է 1881 Նոյեմբերի 15ին Թիֆլիսում, բժիշկ Բագրատ Նաւասարդեանի նախաձեռնութեամբ, 1877-1878ի Ռուս-Թուրքական Պատերազմի հետեւանքով Կովկաս գաղթած հայերին

օգնելու համար: Ընկերությունը պետք է լուսաւորութիւն տարածէր եւ նիւթապէս օգնէր Կովկասի եւ Արեւմտեան Հայաստանի հայութեանը: ԿՀԲԸը նիւթական օգնութիւն է ցոյց տուել հայ գրողներին, հրապարակախօսներին, նկարիչներին, երաժիշտներին եւ այլոց: Թոշակ է տրամադրել Ռուսաստանի եւ Եւրոպայի տարբեր բուհերում, Ներսիսեան Դպրոցում եւ Գէորգեան Դեմարանում սովորող հայ ուսանողներին: Ընկերությունը պահում էր 140 դպրոց, հրատարակում հայերէն գրքեր, որոնց թում՝ անվճար դասագրքեր: Առաջին Համաշխարհային Պատերազմի տարիներին եւ դրանից յետոյ օգնել է հայ փախստականներին եւ գաղթականներին, բացել է դպրոցներ, հիւանդանոցներ, որբանոցներ եւ ապաստարաններ: Միջոցներ է հայթայթել հայ ռազմագերիներին օգնելու համար: 1916ին հրատարակել է *Համ-բաւաբեր* շաբաթաթերթը: Վրաստանում խորհրդային կարգեր հաստատուելուց յետոյ, 1921 Մարտի 2ին այն դադարեցրել է իր գործունէութիւնը:

Գաղթականներին եւ կամաւորներին օգնութիւն կազմակերպելու նպատակով, ԿՀԲԸը 1914 Սեպտեմբերի 14ին Թիֆլիսում կայացած համագումարում ընտրում է Հայկական Կենտրոնական Կոմիտէ բաղկացած 24 անդամից: Կոմիտէի անդամներն էին՝ Վրաստանի եւ Իւներէի Թեմի Առաջնորդ Մեսրոպ Եպիսկոպոս Տէր-Մովսիսեանը (պատուոյ նախագահ), Սամսոն Յարութիւնեանը (նախագահ), Ալեքսանդր Խատիսեանը, Յովսէփ Խունունցը, Ա. Մելիք-Ազարեանը եւ ուրիշներ: Ռուսական իշխանութիւնների կողմից պաշտօնապէս ճանաչուել է 1915 Օգոստոսի 30ին եւ ներկայացուցիչ ուներ Ներքին գործերի Նախարարութիւնում՝ յանձին պետական դումայի անդամ Մ. Աճեմեանի:

<sup>99</sup> Տեղական ինքնավարութեան մարմին:

<sup>100</sup> Ընդգծումները՝ բնագրային:

<sup>101</sup> ՀԱԱ, ֆ. 968, ց. 1, գ. 11, թ. 21: Բնագիրը՝ ձեռագիր:

<sup>102</sup> Յանձնաժողովի:

<sup>103</sup> ՀԱԱ, ֆ. 968, ց. 1, գ. 7, թ. 33 եւ շրջ.: Բնագիրը՝ ձեռագիր:

<sup>104</sup> ՀԱԱ, ֆ. 968, ց. 1, գ. 11, թ. 15: Բնագիրը՝ ձեռագիր:

<sup>105</sup> ՀԱԱ, ֆ. 968, ց. 1, գ. 30, թ. 74: Բնագիրը՝ ձեռագիր:

<sup>106</sup> ՀԱԱ, ֆ. 968, ց. 1, գ. 7, թ. 75: Բնագիրը՝ ձեռագիր:

<sup>107</sup> ՀԱԱ, ֆ. 968, ց. 1, գ. 30, թ. 78: Բնագիրը՝ ձեռագիր:

<sup>108</sup> ՀԱԱ, ֆ. 968, ց. 1, գ. 37, թ. 2: Բնագիրը՝ ձեռագիր:

<sup>109</sup> Տուփ:

<sup>110</sup> ՀԱԱ, ֆ. 968, ց. 1, գ. 30, թ. 30: Բնագիրը՝ ձեռագիր:

<sup>111</sup> ՀԱԱ, ֆ. 968, ց. 1, գ. 26, թ. 34: Բնագիրը՝ ձեռագիր:

<sup>112</sup> ՀԱԱ, ֆ. 968, ց. 1, գ. 26, թ. 15: Բնագիրը՝ ձեռագիր:

<sup>113</sup> ՀԱԱ, ֆ. 968, ց. 1, գ. 11, թ. 49-51: Բնագիրը՝ ձեռագիր:

<sup>114</sup> Կարգադրութիւն, թոյլտուութիւն:

<sup>115</sup> Թարգմ.՝ Սովետի, Պողոթնայա առաջին, Լամակինի ամառանոց, Հայկական ապաստարան, Կ. Յովսէփեանին:

<sup>116</sup> ՀԱԱ, ֆ. 968, ց. 1, գ. 12, թ. 41: Բնագիրը՝ ձեռագիր:

<sup>117</sup> Արման Կոթիկեան (1896-1968)՝ հայ դերասան, բանաստեղծ եւ քարգմանիչ: ՀԽՍՀ Ժողովրդական Արտիստ (1967): Ծնուել է Տրապիզոնում: 1919ին մասնակցել է Օւի Սեւումեանի քատերական ներկայացումներին: 1925ին աւարտել է Սորբոնի Համալսարանը: 1932ին Փարիզում հիմնադրել է «Հայ Ժողովրդական Թատրոն»ը: 1936ին աշխատել է Երեւանի Գաբրիէլ Սունդուկեանի Անուան Թատրոնում: Նկարահանուել է մի շարք կինօֆիլմերում՝ «Տժվժիկ», «Կարիմէ» եւն.: Հեղինակ է չափածոյ գործերի՝ «Խութեցի Յովնան», «Ակօսներում» եւ «Ֆիրդուսին Եւ Նրա Շահնամէն» ուսումնասիրութեան: Թարգմանել է Էդմոն Ռոստանի *Միլաօ Դը Բերժըրակը*, Էմիլ Զոլայի *Թերէզ Ռաքէնը*: Բեմականացրել է Յակոբ Պարոնեանի

*Առոնին Տեսարանները*, Երուանդ Օտեանի *Թաղականին Կնիկը*, Տիգրան Կամսարականի *Վարժապետին Աղջիկը*:

<sup>118</sup> ՀԱԱ, ֆ. 968, ց. 1, գ. 28, ք. 269: Բնագիրը՝ ձեռագիր:

<sup>119</sup> Կառք:

<sup>120</sup> ՀԱԱ, ֆ. 968, ց. 1, գ. 30, ք. 119: Բնագիրը՝ ձեռագիր:

<sup>121</sup> ՀԱԱ, ֆ. 968, ց. 1, գ. 11, ք. 11 եւ շրջ.: Բնագիրը՝ ձեռագիր:

<sup>122</sup> ՀԱԱ, ֆ. 968, ց. 1, գ. 30, ք. 57: Բնագիրը՝ ձեռագիր:

<sup>123</sup> Անդրկովկասեան Յատուկ Կոմիտեն հիմնուել է 1917 Մարտի 9ին Թիֆլիսում, ռուսական 4րդ պետական դումայի (խորհրդարանի) պատգամաւորների կողմից: Այն հիմնուել էր լուծարուած Կովկասի Փոխարքայութեան փոխարէն: Կոմիտէի նախագահն էր Վ. Խառլամովը, իսկ անդամները՝ Մ. Պապաջանեանը, Մամէդ Եուսուֆ Չաֆարովը, Ա. Չխենկելին եւ Կ. Աբաշիձէն: Կոմիտէն լուծարուել է 1917 Նոյեմբերին: Նրա փոխարէն հիմնուել է Անդրկովկասեան Կոմիսարիատը:

<sup>124</sup> Բռնագրատող Յանձնաժողով:

<sup>125</sup> ՀԱԱ, ֆ. 968, ց. 1, գ. 30, ք. 58: Բնագիրը՝ ձեռագիր:

<sup>126</sup> Չեմստուօ (ռուսերէն՝ Zemstva-Zemskiye Oochrejdeniya)-տեղական ինքնակառավարման ընտրովի մարմին Ռուսաստանում: Հիմնուել է 1864ին: Տնօրինել է կրթութեան, առողջապահութեան, ճանապարհների շինարարութեան եւ այլ հարցերը: Լուծարուել է 1918ին խորհրդային կառավարութեան հրամանով:

<sup>127</sup> Ճգրիտ անուանումն է՝ Vserossiyskiy Soyuz Gorodov I Zemskiy Soyuz՝ համառուսաստանեան քաղաքների միութիւն, իսկ Zemskiy Soyuz՝ ինքնավարութիւնների միութիւն: Ճգրիտ անուանումն է՝ համառուսաստանեան Չեմստուօների միութիւն: 1915 Յուլիսի 10ին նրանք միաւորուել են եւ կոչուել Obyedinyonnyi Komitet Zemskogo I Soyuza Gorodov՝ Չեմստուային եւ քաղաքային միութիւնների միացեալ կոմիտէ - Չեմգոր: Միացեալ կազմակերպութեան նպատակն էր օգնել բանակին՝ մատակարարելով պարէն: Ռուսական բանակի գրաւուած շրջաններում իրականացրել է գիւղատնտեսական աշխատանքներ: Լուծարուել է 1918 Յունուարին Խորհրդային Ռուսաստանի Ժողկոմխորհի հրամա-նագրով:

<sup>128</sup> ՀԱԱ, ֆ. 968, ց. 1, գ. 7, ք. 77: Բնագիրը՝ ձեռագիր:

<sup>129</sup> ՀԱԱ, ֆ. 968, ց. 1, գ. 11, ք. 17: Բնագիրը՝ ձեռագիր:

<sup>130</sup> Բռնագրաման:

---

THE ORGANIZATION OF RESCUE OPERATIONS FOR THE  
TRABIZON ARMENIANS DURING WWI (1916-1917)  
(Summary)

RUBEN SAHAKIAN

During WWI the Armenian population of the Ottoman Empire faced massive deportation and genocide. By the orders of the Young Turk government during Autumn 1914 and 1915, the majority of Armenians living in Western Armenia and other residential areas in Asia Minor was annihilated. The 60,000 Armenian population of the Trabizon Vilayet and city had a similar fate.

The belongings of the deported Armenians were confiscated by the local authorities or looted by the local population. Some native Armenians took refuge in remote mountainous areas and forests and organized self-defense troops.

On April 5, 1916 the Russian army occupied Trabizon. Of the 16,000 city Armenians only 15 women and 50 orphans survived. Of the 46 Armenian villages of the Vilayet, a total of 368 Armenians survived. Some 20,000 took refuge in Russia while all the others were deported or massacred.

To rescue the surviving Armenians the Caucasus Armenian Benevolent Union (*Kovkasi Hayots Baregortsagan Miyutyun*) sent a mission composed of members of its Batumi Chapter, headed by Father Mesrob Melian. The latter became the representative of Catholicos Gevork V of Echmiadzin and established the Trabizon Armenian Committee with the permission of the Russian army command. The Committee rescued some 200 Armenian children who were being forcibly kept in Turkish homes. Most of these children were transported to Batumi, while the remaining ones were settled in Trabizon.

The Committee reclaimed the forfeited possessions of the Armenians including vineyards, lands and buildings, some 1200 houses, numerous shops, workplaces, warehouses, and guesthouses. Keeping a record of the belongings was important to safeguard them from foreign trespassing as the Turkish authorities had entitled the Turkish population of the city to take ownership of Armenian belongings after the population's deportation.

The presence of the Russian army enabled those who had taken refuge in remote mountainous areas to return to Trabizon at a daily rate of some 200-300. However, due to food shortages these people were transported to Russia.

After the 1917 February Revolution the attitude of the Russian authorities gradually improved. They allowed the Armenians to manage their houses and belongings. The schools in the city started functioning, and life started to pick up. But the Bolshevik revolution changed the whole situation. In February 1918, after the Russian army quit the Russian-Turkish front, the Turkish forces advanced forcing the Trabizon Armenians to leave.

The documents published in this article shed light on the rescue operation of the 1916-17 genocide survivors in Trabizon.